



## «Лакку мазраха зунсса аьлимтал ялун най члалай бакъар»

Ниттил мазурдил кьинилун хасну жу редакциялий хьунабавкьуру лакку мазраха хьунмасса захІмат бувсса инсан, филологиялул элмурдал кандидат, ХІажинал душ Роза Эльдаровашал.

5  
лаж.



# ЧИШИ

№7  
(2225)

23 ФЕВРАЛЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкІссар 1917 ш.  
Цунил итабакълан бивкІссар 1991ш.



Энгельс ХІажимахІаммадов  
Аьрасатнал Виричув Владимир Жогал ппу, ДНР-данул  
Халкьуннал советрал хьунама Артем Жогащал

## Къюву хьхьара дуллалисса хьунабакъаву



## Виричувнал буттагу виричуври

Ватан дуруччул Кьинилун хасну Москвавил Аьрасатнал Думалуву муькцІалунниха ливчусса аьралитурал ппхьлуннан дуллунни «Отец Героя» тІисса медальлу.

Вирттаван медальлу дулламиннавух ия хасьсса аьралий операциялул цалчинсса Аьрасатнал Виричув НурмахІаммадовлул ппу, шана Чувшиврул ордендалул кавалер Энгельс ХІажимахІаммадов. Ванал цалла «Отец Героя» медаль ларьссыя ларгсса шинал.

Энгельс ХІажимахІаммадовлул кІицІ лавгуна хІакьину шала билаятрал агьали цацІун хьун багълай бушиву неонацизмалущалсса талатавриву жува

ххув хьуншиврул.

– Миллатрах ва диндалух къабуривгун, жунма, Аьрасатнал агьалинан, багълай бур ттин бивкІссаннуяргума цакьну цацІун хьуну жула паччахІлугъ дуруччин. Жува буржлувссару дуняллул цал уттигу тасттикь бан цукунсса буссарив Аьрасатнал агьали ва Ватан дуруччулт, – увкуна Энгельс ХІажимахІаммадовлул.

Зулайхат ТАХАКЪАЕВА

«ЦацІу хьунабакьинну мубараксса барзру» тІисса цІанилу хасьсса аьралий операциялий чувшиврий жанну дуллусса вирттаварал гьан-маччаминнал Палестиннаясса лихъачалтращалсса хьунабакъаву. Цувгу сакин дурну дия «Сила матерей» тІисса хасьсса аьралий операциялий чувшиврий жанну дуллусса вирттаварал ниттихьал ва гьан-маччаминнал ккурадалул сипталйину.

Мубараксса Ражав зуруй хьусса хьунабакъаврил дакІру мачча дуруна дяъви сававну язминнаца хьусса Дагъусттаннал аьралитурал ва ду-думур ду-дунйра къариртун дяъвилул

цІарава лихъабувккун бувкІсса Палестиннавасса уссурваврал-ссурваврал. Та хьунабакъаврил хьиндайдихьулийну ттигу къачансса хьунабакьинтІиссар ца къювулул ва ца дардирал цацІун

бувми. Вана вайннал цацІу хьунабакълай мубараксса Шяъван барзгу. АлхІаткьини МахІачкъалалив «Айсберг» тІисса оьрчІал дялахь-рурддал клубраву дия хьуннасса тяхъашиву – Украиннал аьрщарай нанисса хасьсса аьралий операциялий чувшиврий жанну дуллусса аьралитурал оьрчІансса ва Палестиннаясса лихъачалтрал оьрчІансса ихІсандалул байран.

Байрандалийн бавтІун бия

➔ Ахир. 2 лаж.

Февральданул 20-ний Дагъусттаннал бакИчи Сергей Меликовлул дунни АьФ-лул Президентнал ХIукмурдаву ккаккан дурсса давуртту бартдигаврин хасъсса Оператив штабрал заседание.

## Оператив штабрал заседаниялий



Кьинилул масъаларттавух бия АьФ-лул Аьралуннавун контрактрай къуллугъ бансса инсантал батIул баврил давуртту бартдигаву. Дагъусттаннал БакIчинал бувсуна ва темалийсса ихтилат хьуну бивкIшиву хьычIмур кьини Грозналий АьФ-лул Мюхчаншиврул советрал председателнал хьиривчув Дмитрий Медведевлул каялушвирий хьусса батIаврийгу.

– Тикку бувсуна аьралуннавун контрактниктал буцавриву СКФО-лул республикарттал бугълагъисса кIанттурдаятугу. КIицI бувна цанасса ппурттуву жула ватанлувтурал бувгъусса кIанттурдал хIакъираву: Аьрасатнал 9 Виричув хьуну ур дагъусттанлувтураву. ЧIявусса бур цалва аьралитурал бурж лайкьну бартдигълагъисса хIаписартал ва саллатI, миннан дуллуну дур лавайсса даражалул паччахIлугърал наградарттугу, – куна Сергей Меликовлул.

– Миннавух бур Ватандалул цIаний жан хIайп къадуллаллиссагу. Вай гъантрай цала аьраличувнал бурж биттур буллай дуняллия лавгунни гвардиялул полковник, 18-мур армиялул командующийнал хьиривчув МахIаммадабIи МахIаммаджанов. Ва ия РутIуллал райондалийсса ХьютIи шяравасса.

ХIакъинусса кьини жу хIарачат

буллай буру аьралитурал кулпатирттан кумаг буван, чIявуну хьунабакълай буру миннал маччагъаннашал. Сакин бувну бур СВО-лул зоналийсса аьралитурал ва миннал кулпатирттан кумаг буллаллисса цаппара жяматийсса идарартту. Ми иширттавух гьуртту хъанай бур влаьстрал цияв органну, – куна Сергей Меликовлул.

Ванал тапшур бувна шагьурдал ва районнал бакIчитурайн аьралуннавун контрактниктал буцаврил иширттал ялувбацаву дуллан.

ДР-лул Мюхчаншиврул советрал секретарьнал хьиривчув Давуд Унчиевлул бусаврийну, республикалий аьралуннавун контрактниктал уттигу къамул буллайма бур. Му даву хьычIунну бартдигълай бур МахIачкъалалив ва Каспийскалий. Республикалул зузи группалул информациялул ва агитациялул даву, дукIу кунна, гъашиинугу дуллан тIий бур. МахIачкъалаливсса контрактниктал батIул байсса пунктрал хьунама Евгений Медведевлул тIимунийну, контракт чирчуми аьралуннал частирдавун цила чIумал бияврил ялув бацаву дуллай бур.

Заседаниялул хIасиллайн бувну къамул бувна протоколданул ХIукмурду.

**ХIадур бувссар  
ХIасан АБДИЛОВЛУЛ**

## Къюву хьхьара дуллаллисса хьунабакъаву

➔ Дайдихьу 1 лаж.

шанттуршунниха ливчусса оьрчIру ва вайннал ниттихьул.

Тягъасса ва гьарза-гьартасса программа хIадур дурну дия сакиншинначитурал: тIуркIурду, аттракционну. Ссупралий дия оьрчIан ххира-ххирами дукрадду. Мероприятие сакин даврил пикрилия буслай, «Сила матерей» ккуррандалул хьунмур Сефижат МахIаммадрасуловал кIицI лавгуна мубараксса Шяван барз байбихьлахисса кьини хасъсса аьралий операция сававну язминнаца хьуминнан ччан бивкIшиву гьурбатрайсса мюршултрал дакIру гьили дуван. НахIакъ дакьархха ва мероприятиялул цагу «ДакIниа дакIнийн» тIисса дирзсса.

– Мияжнунугу, шикку гьуртту хьанахисса цума-цагу кIидачIлай ур цала дакIнил гьилишиву. Цаманал къювугу асар хьуну, му кIидачIин бюхълайсса кьесса жу-вура инсаншиву дуссар. Укунсса давуртту жу гихуннайгу дуллан дакIний буру. ДакI тирх тIий дур жул давурттан кабакьу буллан, жула вирттавал кулпатирттал

ва Палестиннавасса уссурсуна-нал чIарав бацIан ччими ялу-ялун чIяву хъанай бушиврул. ДакIнихтуну барчаллагъ тIий бура Мурад Алискеровлухь, Мурад Булатовлухь, МахIаммад МахIаммадовлухь, «Ятул ххач-лил» республикалулмур отделени-ялухь ва Раиса Шахиновахь, ДР-лул Информациялул ва печатърал агентствалухь, МахIачкъала шагь-рулул Ленинский райондалул жагьилтурал парламентархь, палестиннал оьрчIру ва байран-далийн бугу-бувцуну, махьунмай биянгу бувсса цаппарасса тур-фирмардахь.

Чялишсса гьурттушинна ва мероприятиялий дуруна ДР-лул Информациялул ва печатърал агентствалул каялувчинал хьиривмур Наида МахIаммадовал. Хасъсса аьралий операциялий пухълу ливтIусса оьрчIан ва Палестиннавасса оьрчIан ванил пишкаш дуруна цала идаралул чулухасса бахшишуру, – увкуна Сефижат МахIаммадрасуловал.

– Зува пикри бувара, цIарал чурчуну нанисса аьрши, лекъа-пIякь хьусса къатта-къушругу къабивтун, цукунсса асардашал

най бухьунссияв жу шихун, яла къалагайсса дард-хажалатрашал, къума-цIансса дакIурдишал. Дагъусттанная жун бавссия хьамал ххирацца, аьчухсса агьлур тIий. Мияжнунугу, шийх жухва ялугълай ливкьунни, хьунабав-къунну дакIру тIиртIуну. Жува гьурбатрай буссару тIисса пикри хIасулагу къашай. Республикалул бакIчитурал хьуннав, агъалинал хьуннав, жух хьуннав кьулагъас, аякьа дур, хаснура оьрчIах. Гьожу дурксса дакIру дазинсса чараннах луглагъисса акъа жун инсан хьу-накъаакъай чун бакIрайн багъар-чагу. ХIакъину тIурчарив, жул дакIру хьювусул дуккан дурунни хасъсса аьралий операциялий ливтIуминнал гъан-маччаминнал. Цаламур дард хьамариртун, жун дансса хьиншиврух луглай бур аьрай аьру ливтIусса ниттихь-ул. ХIакъинусса хьунабакъаврий жун дахьра дурчIунни «Ччаву кIидачIирча, му хьунна шайссар, къюву кIидачIирча – му хьхьара шайссар» тIисса мукьурттил мяьна. Ва кIилчинсса хьуна-бакъаву хъанай дур жул аьрай язминнаца хьуминнашассса. Гьарца укунсса хьунабакъаврий жул дакIурдивусса ччаву хьун хъанай, къюву хьхьара хъанай дур, – тIий бия Палестиннавасса ссурвал байран сакин дурмин-найну, аьмну дагъусттаннал агъалинайну барчаллагърай.

**Зулайхат ТАХАКЪАЕВА**

## Школалул бахшиш дунни



Вай гъантрай МахIачкъала шагьрулул депутатътурал Мажлисрал председател Марис Илиясовлул шагьрулул администрациялул бакIчинал хьиривмур Эмилия Раджабоваца къамул дунни школардан кумаг баву мурадрайсса эстафета.

«Сделай подарок родной школе» тIисса проектрал лагрулий Марис Илиясовлул спортрал инвентарь (волейболданул сетка, бадминтондалий буккаврин аьркинсса къай-къуй, обручуру ва жура-журацца ттупру) пишкаш дунни МахIачкъала шагьрулул 17-мур гимназиялул дуклаки оьрчIан.

ДакIнийн бутанну, Дагъусттаннал бакIчи Сергей Меликовлул сипталайин бувну дайди-рхьушиву дивппа дуклай бивкIсса школардн кумаг хIасаврийсса бахшишуру дуллаллисса проект.

**Имара САИДОВА**

Февральданул 19-ний ДР-лул ХIукуматрал председател Аьбдулмуслим Аьбдулмуслимовлул каялушвирий хьунни экономикалул лябуккулул Оператив штабрал батIаву.

БакIрай ххал бивгъуна Дагъусттан Республикалул паччахIлугърал влаьстрал ва кIанттул цилака-ялушвирул органнал инсантурал лабизавуртта хьулагъас дулла-лавлрил хIакъиравусса масъала.

ДР-лул ЦУР-данул (Центр управления регионом) каялувчи Ислам Мусаевлул бусаврийну, ларгмур нюжмардий (февральданул 12-18-ний) «Инцидент-менеюджмент» системалул сияхI-райн ларсун дур 2270 лабизаву.

Циявннувагу 1300 лабизаву диркIун дур энергоснабжениялул масъаларттал хIакъиравусса. Ми тIайла дурккун дур Энергетикалул министрваллийн ва «Дагэнегголийн». Лабизавуртту диркIун дур хьунмурчIин ЖКХ-

## Агъамми масъалартту ххал бивгъунни

лул, ххуллурдал, дузалшиндарал, цинцIал, ТКО-рал, цIулушвиру дуруччаврил хIакъиравусса.

Опер штабрал батIаврий Ислам Мусаевлул бувсуна чIявусса кулпатирттан цацца пособиартту бишин инкар хъанай бушиву, цукунчIавсса багъана-савав дакъана, ва ми ккаккан дурсса чIумал буллайгу бакъашиву. Мукунсса тагьар шаврил хIакъираву махьру лавхьуна социал блокрал куратор хъанахьисса вице-премьер АьбдурахIман МахIмудовлул ва МФЦ-лул директор МахIаммадэмин Арсланаьлиевлул. Вайннал тIимунийну, дукIу ноябрьданий Дагъусттаннай пособиартту бишаву тапшур дурну дур Ставрополлал СФР-данул отделенийлийн. 2024 шинал дайдихьулия шийн-май дагъусттанлувтурал чулуха чIявусса аьрзарду букIлан бивкIун

бур Госуслугардал централийн, ДР-лул СФР-данул отделениялул Горячая линиялийн ва соцсету-ралийн пособиартту бишин инкар хъанай бушиврул хIакъираву. МахIаммадэмин Арсланаьлиевлул тIимунийну, чIявуминнан пособиартту бишин инкар хъанай бур ИНН дакъашиву ва регистра-ция дакъашиву сававну. Амма регламентрал ккаккан бувну бакъар ИНН дикIан аьркиншиву, цияв тихун тIайла буклакисса материаллал пакетирттаву бур ДР-лий регистрация душиврул хIакъиравусса документругу.

Аьбдулмуслим Аьбдулмуслимовлул ДР-лул прокурорнал цал-чинна хьиривчув Руслан Ляпин-нухь тавакью бунни, аьркинсса давугу дурну, кумаг буван масъала дузал бавриву.

– Агана цаппара зурдардий

тагьар хьин чулиннай даххана хъанай дакъахьурча, жува аьркинни иширавух хIала буххан буван над-зорданул органну, ххал бигьин, цумур ятIапрай хIасул хъанай бушиву проблема. Инсантал пособиартту бакъа личIан къааьркинссар, – куна Аьбдулмуслимовлул.

БатIаврий сукку бувна МахIачкъалал 27-мур школалый дуклаки оьрчIру бияврил масъала. Масъалалул хьирив лавну бур ПДН-далул ва МВД-лул зузалт. Республикалул премьер-министрнал вичIи дирхьуна ва иширал хIакъираву вице-премьер Муслим Телякавовлул бувсмуниху.

ДР-лул Дуккаврил министрваллийн тапшур бувна му тагьарданул анализ дуван, профилактикалул давуртту дуван дуклаки оьрчIашал.

Оператив штабрал батIаврий ххал бивгъуна «МарцIсса билаят» федерал проектрал лагрулий экологиялул зарал биян булла-лисса объектирдал рекультивация даврил масъалагу.

Аьбдулмуслим Аьбдулмуслимовлул тIимунийну, Хасавюртул-лал, Каспийскалал, Буйнакскал-лал ва Южно-Сухокумскалал къирагьирттайсса цинцIал бакIурду бухлаган бувну бур. Гьашину февральданий «Рустрой» ООО-лушал къутIи чир-чуну дур ми бакIурдал рекультивация даврил хIакъираву. Ми давурттан харж дурну дур 1 млрд къуруширттаха лирхьуса арцу. Утти 35 гектар аьршарай дакъар оьккисса къанкъ дусса цинцI-ччюрк.

**ХIадур бувссар  
ХIасан АБДИЛОВЛУЛ**

## Театр

Оьруснал театрданул  
100 шинал шачІану

Гъашину М. Горькийл цанийсса Оьруснал паччахІлугьрал драмалул театр тІивтІунна шиннай бартлаглай дур 100 шин. Му иширан хас дурну итникыни «Дагестан» РИА-лул площадкалий хьунни ДР-лул культуралул министр Зарема Буттаева, Оьруснал театрданул директор Тимур МахІаммадов ва хьунама режиссер Скандарбек Тулпаров гурттуса пресс-конференция.



Зарема Буттаевал республикалул палчинсса пишакарсса театрданул 100 шинал юбилей ккалли дунни Дагъусттаннал магьирлугьрал оьрмулуну хьанахъисса агъамсса иширан. Юбилейрал шадлугъ кІицІ лагаврил хІакъиравусса хІукму буну бур республикалул бакІчи Сергей Меликовлул 2022-ку шиналва.

ДакІнийн бутанну, ва шинал дайдихъулий республикалул премьер-министр Абдулмуслим Абдулмуслимовлул цакъ буну бур юбилейрал шадлугьирттал

ялув зунсса сакиншиннарал комитет, цивунгу бухлай бур магьирлугьрал масъалартталсса буллалисса влаьстрал органныл вакилтал, Дагъусттан Республикалул Театрал ишккакултрал союзрал каялувчитал, театрдал хьуними ва цаймигу магьирлугьрал ишккакулт.

Зарема Буттаевал оьвчаву дуруна республикалул агъалинайн соцсетирдаву тІивтІусса «Барча бува ххирасса театр» флешмобрай гуртту хьун. Тигу-тІивтІуна флешмоб цила

министрал. КІицІ лавгуна мунийну Дагъусттаннал агъалинал барчаллагъ учин тІий бушиву Дагъусттаннал театрал магьирлугьрал ттугъ бувгьуну нанисса идаралул цанихсса тарих чивчусса актертурал, режиссертурал ва цаймигу зузалтрал чІярussa никирттахъ.

Пресс-конференциялий кІул хьуна юбилейран хас дурсса меропряттартал пландалувун бухлай бушиву 15 социал агъамшиву дусса иш: театрал флешмобру, фестивалю, онлайн ва ТВ проекту, юбилейран хас бувсса буклетру итабакъаву ва цаппарасса премьерарду.

Скандарбек Тулпаровлул кІицІ лавгуна юбилейрал шадлугьирттал агъамми ишруну хьун тІий бушиву VIII-мур Щалагу Аьрасатнал оьруснал театрдал фестиваль «Русская сцена», му цурдагу хьун тІий дур сентябрьданул 27-нния октябрьданул 5-ннийн. Юбилейрал шадлугъ цурда хьун тІий дур фестиваль лакълакисса кьини, октябрьданул 6-ннийн.

Му бакъассагу, театрданул труппа шинал лажиндарай занан тІий бур гастроллай. Ми гъан тІий бур Владикавказ, Москва, Калининград, Красноярск, Тюмень, Иваново, Калуга ва цаймигу шагьрурдайин.

Тимур МахІаммадовлул бувсуна «Пушкиннул карта» ишла даврийну жагьилтуран ци лябукку буссарив. Му карталул кашилуцІух махъсса шиннардий лахъ хьуну дур театрданул дучІаймур. Ларгсса шинал Оьруснал театрданул ляркъуну дур 28 миллион кьуруширттал.

Ванал кІицІ лавгуна театрданул цала къатта бакъасса актертал дузал буллаи бушиву яхьунсса кІанттул.

## Ларайсса цІа дуллунни

Вай гъантрай Лакрал театрданулгу, шала миллатралгу ялун бивунни ххарисса хавар.



Аслан МахІаммадов

Лакрал театрданул хьунама режиссер ва хьхичІунсса актёр, Дагъусттаннал халкъуннал артист Аслан МахІаммадовлул Аьрасатнал лайкъ хьусса артистнал цІа дуллалисса Аьрасатнал Президент Владимир Путиннул кьулбас дурсса Указ бувккунни.

Майжаннугу, шала миллат ххари хьунсса иш!

Зувиннийн дирсса шинну хьуну дунуккар ва ларайсса цІа лакрал миллатрал дянив шилчІав къаларсун. Жула хьунасса артист Садикъ МахІаммадовлуя мукъах шилчІав ларъсса ххай бакъара.

МукъцІалуннийн дирсса шинну хьуну дур Аслан МахІаммадовлул республикалул театрал магьирлугъ хьхичІуннай даврил ххулий зий, захІмат буллаи. Ва ур Лакрал театрданул пахругу, ттарцІгу.

Ванал давурттан, актёрналсса хьуннав, режиссерналсса хьуннав, ларайсса пишакаршиврул

пачат бившуну бур билатрал хьхичІунсса театрал критиктурал. Ларайсса кьимат бившуну бур ванал гьунарданун миллатралгу. Лайкъсса кІану бугълай бур миннул так ца Дагъусттаннал бакъасса, щалагу Аьрасатнал ттизаманнул сахІанул дунияллий.

Ванал творчествалул хазна авадан хьуну бур арулцІалуннийн дирсса яргсса ва дакІний личІансса рольлал — Сурхай-ханнал ва Къаратлул ЦІ. Камаловлул «Жан Муртазали» спектакльдану, Жадов – А. Островскийл «Агъу кІану», Альбер – А.Пушкиннул «Бахилсса багъадур», Хлестаков – Н.Гогольлул «Ревизор», Малла Насруттин ва ЧІярussa цаймигу артистнал хІасул дурсса ларайсса художествалул сипатру лайкъ хьуну дур жула республикалул, Аьрасатнал ва дунияллул халкъуннал дянивсса фестиваллал дипломирттан.

Му бакъассагу, Аслан МахІаммадовлул бивхьуну бур мукъцІалунниха ливчусса спектакльлу. Вайннувацца цаппарасса («Бернарда Альбал къатта», «Чаву ва макъ», «Оьтту ва макъ», «Ккуркуллал ЦІаза») лайкъ хьуну бур сий дусса фестиваллал дипломирттан: «Лучший спектакль», «За лучшую режиссуру».

ДакІнихтуну барча тІий жуна ххирасса ва бусравсса Аслан МахІаммадовлухъ ларайсса цІа, цІа тІий буру ванан ттигу чІярussa шиннардий Лакрал театрданул сий бюхттул дуллансса, тамашачитал ххари буллансса цІуллушиву ва тІайлабцІу!

## АьнакІул оьрчІал бакІрачІан бувкІмур

Дунияллул халкъуннал дянив-дирсса Ниттил мазурдил кьинилу хьунин Лакрал театрданул «АьнакІул мусил оьрчІ» тІисса В. Орловлул магьлуясса яргсса музыкалул спектакль ккаккан бунни Щуссалакрал райондалул Чапеевккалал школалул ва Новостройрайсса Щуссакуллал школардал мюрцини классирттал оьрчІан. Спектакль лакку мазрайин бувцуну бур С. Хайдаковлул.

Режиссер – И. Казиев. Художник – А. Аскарлов.

Спектакльданува ккаккан дур-



ну дур нитти-буттал, хьхичІра-хьхичІрив - буттал ччаву. Ччаву хІасул шаврия буслай бур тІуркІулийну, оьрчІан бувчІинсса мазрайну. Декорациялул ва яргсса костюмирттал чІава тамашачитал буцІай бур магьлул дунияллийн. Хьярч-махсаралул ва персонажирттал рихшантирттал спектакльданухух гъан уллай ур хьунамагума.

ХІиллакар цулкІлул бакІравун бухлай бур, къаричІату ва кьужлчІату мусил ккунук бавцуну, ганий шябивкІун, мусил ккунуку байсса

аьнакІи буккан бансса пикри. Мукун цулкІлун ччай бур авадан хьун. Цила пикрилия бурицІихъ бувсун, шала мурад ганий бихълай бур, кьютІну шяравун лавгун, ккунуку бавцуну, гива аьнакІул оьрчІ дукканца ганий шябикІан. Иш цулкІлун ччисса куцуй бай-бихълайгу бур, амма, аьнакІун кІанттай, дунияллийн буклай бур ажари. БарцІ цила пту ххай, ажари бур ганишал ттунгъану. Оьсса бурицІл дакІгу дарссуну лаглай дур. Хьуниминангума асар хьунни аьнакІул оьрчІал бакІрачІан бувкІмур, мюршуттран къавхьуну личІансарив, зува пикри бувар.

ХІадур бувссар  
Зулайхат ТАХАКЪАЕВАЛ

## Спорт

## 2024 шинал лачІун буквавил Европанал чемпионатрай

Бяст-ччаллал хІасиллайин бувну, командарттава цалчинмур кІану бувгьунни Турциянал, 140 балл лавсун. Вайннал командалува дур 2 мусил, 2 арцул ва 2 чарвитул медальлу.

КІилчинмур кІану бувгьунни Гуржиял командалул, шамилчинмур кІану – Азирбижаннал командалул.

Армениянал командалул бувгьунни мукьилчинмур кІану – 71 балл.

Европанал чемпионатрал командарттал зачет укунсса дур:

Февральданул 16-18-нийн Румыниянаву Бухарестлив хьунни лачІун буквавил 2024 шинал Европанал чемпионат. Турнирданул махъра- махъмур кьини кІул хьунни чемпионатал ва призертал.


1.Турция – 140 балл (2 мусил, 2 арцул, 2 чарвитул).

2.Грузия – 130 балл (1 мусил, 2 арцул, 2 чарвитул).

3.Азирбижан – 122 балл (1 арцул, 6 чарвитул).

4.Армения – 71 балл (2 мусил, 1 арцул).

Аьрасатнал ва Белоруссиянал лачІунбуккулт гуртту хьуну бивкІссар нейтрал спортсментал кунма, мунияту миннал хІасиллу



командарттал зачетирттавану къаларъссар.

Европанал Чемпионатрай ххув хьуми ва призертал:

57 килорай  
Арсен Арутуян (Армения)

61 килорай  
АьппасхІажи МахІаммадов (Аьрасат).

65 килорай  
Ислам Дудаев (Албания).

70 килорай  
Арман Андреасян (Армения).

74 килорай  
Таймураз Салказанов (Словакия).

79 килорай  
АхІмад Усманов (Аьрасат).

86 килорай  
Даурен Куруглиев (Греция).

92 килорай  
Файзулла Актюрк (Турция).

97 килорай  
Гиви Мачарашвили (Грузия).

125 килорай  
Таха Акгюль (Турция).

ХІасан АБДИЛОВ

Ккуллал райондалия

## Хъусрациял школалий ацІния цара «Виричувнал Парта»

Ватан дуруччул Къинилун хасну Хъусрациял дянивмур даражалул Школалий тІиртІунни «Виртгаврал Партарду».

АцІния цара парта, вайннувагу мйира – Украиннал аьршарай нанисса хасьсса аьралий операциялий ватандалул ххуллий чувшиврий жанну дуллусса Хъусрациял шярава бувксса жагылтуран ца куща.



Гъазиев Алик Багъауттиннул арс, Мирзаев ХІамзат Минкаилул арс, Гаргацов ХІасан Амсардул арс, Айдаев Руслан Заругиннул арс, МахІаммадов Шяпил Къурбанул арс, Къурбанов Къурбан МахІаддул арс, Оьмаев Рашид МахІаммадмирзал арс, ШимпІаев Аьли Муртазал арс – мйинналагу къучагышиврий жанну дуллуссар, даКІру тІайлану аьралитурал буржу биттур буну. Вай цинявпагу ливтІуну махъ лайкъ хъуссар Чувшиврул Орденнал.

ТІиртІунни «Виртгаврал Партарду» Совет Союзрал КІийла Виричув АхІмад-хан Султаннун, Щуссалаккуй къачагытурал къюкьрацалсса талатавриву жан дуллусса Аьрасатнал Виричув Халид Мурачуевлун ва хасьсса аьралий операциялий цалчин Аьрасатнал Виричувнал ца ларьсса НурмахІаммад

ХІажимахІаммадовлун ца кусагу.

Ватанлуvtал даКІнийн бичин бувкІун бия райондалул ва шяраваллил администрациярттал зузалт, учительтал, ватандалул ххуллий чувшиврий жанну дуллуминнал гъан-маччами, дуклаки оьрчІру ва шяраваллил агъали.

ДаКІнийн бутанну, «Единая Россия» партиялул «Новая школа» ва «Историческая память» тІисса проектирдал лагрулий шурущи бувсса патриот зумунусса акция жула билаятрай зий бур 2018 шиная шиймай.

Школалул директор Гулайбат ХІажиевал КІицІ лавгуна къучагысса тІул дурсса ватанлуvtурая дуклаки оьрчІан бувчІинсса къядалий бусласисса Шалагу Аьрасатнал КІулливи дулаврил проектрал хъуннасса агъамшиву душиву ялун

нанисса ник ватан ххирану тарбия давриву.

– «Парта Героя» – ва бур Ватандалул мурадру буруччаврил ххуллий чувшиву дурсса аьрасатлуvtурая бусласисса, миннал суратиртгашалсса дуклаки оьрчІансса стол. «Виртгаврал Партардал» биялаліну хІакьину жула школалий дуклакисса оьрчІан абаллий даКІний личІантІиссар къучагысса ватанлуvtурал цІарду. Вай партардах шябивкІсса оьрчІал даКІурдиву хІасул хъунтІиссар оьрмулухунсса асарду, – увкуна Гулайбат ХІажиевал.

Ванил барчаллагъ увкуна патриотический акциялий гуртту хъун бувкІсса ватандалул ххуллий жанну дуллуминнал гъан-маччаминахъ.

Экрандалий ккаккан дуруна мйяйгу виричувнал суратру. Дуклаки оьрчІал бувсуна вайннал къучагышивурттая, дурккуна назмурду.

Муния махъ ватандалул ххуллий жанну дуллуми даКІнийн бивчуну ца минутрайсса пахъ багъаврийну.


Ттигъанну хасьсса аьралий операциялий ватандалул мурадру буруччаврил ххуллий жан харж дурсса Къурбанов Къурбаннул ниттил, ХІамил, барчаллагъ увкуна школалул директорнахъ, учительтурахъ, дуклаки оьрчІахъ аьпа абал баврил цІанийсса даврихлу.

Къурбан сентябрьданій цала хушрай лавгун ия хасьсса аьралий операциялий гуртту хъун. Талай ивкІун ур Запорожскал дьявилый. Артемовское райондалул Хлещовка тІисса шяраву нанисса ца къызгъинсса талатавриву Къурбаннул чувшиврий жан дуллуну дур. Ттигъанну Къурбаннул ниттибуттахъхъун дуллуну дур Чувшиврул орден.

Зулайхат ТАХАКЪАЕВА

## «СаллатІнах ялугълагъисса къатта»

Ккуллал райондалиссса шархъай Совет аьрал Авгъаннава бубкан буну 35 шин шаврин хасну хъунни личІи-личІисса мероприятияртту. Авгъаннал аьршарай интернационал бурж бартбигълай бивкІсса аьралитурал ва авгъан дьявилул ветерантурал ХІурматран райондалул КДЦ-луву «ХІакьинусса къиниу саллатІнах ялугълагъисса къатта» тІисса чувшиврул дарс дирхъунни.



Авгъан дьявилул гурттучитал

Ваний гуртту хъун бувкІун бия Ветерантурал союзирттал председателтал, дуклаки оьрчІру ва авгъан дьявилул гурттучитал: Хъусрацатусса

МахІаммадХІажи Закариев, Ккулатусса Аьликъади Магъдиев, Вихълиятусса Аьлил МахІаммадов, Къяниятусса Шагъ МахІаммадов ва цаймигу.

Вайннал даКІнийн дуртуна авгъан дьявилул чІумалсса тагъар, Авгъаннал ХІукуматрал бакІчитурацІун ца хъуну жула Совет ХІукуматрал цачІуну бачин бувсса аьралий иширттая, жула аьралитурал чувшивруя ва къучагышивруя, бувсуна циксса захІматсса шартІирдай талай бивкІсарив.

Отставкалийсса подполковник Шамхал Хизриевул бувсуна 30-хъл шиннардил хъхьчІ авгъаннал аьршарай нанисса дьявилая, «Черный тюльпан» операциялия, аргъирай оьрмуду бяливчІсса совет саллатІнал жаназарду ххилай диркІсса самолетирттая. Ихтилатирттал хъирив баян буну ца дакъикалийсса пахъ багъаву.

Дуклаки оьрчІал дурккуна халкъуннал даКІурдийн асар биян буллалисса, дьявилаясса назмурду, культуралул зузалтрал шаллу буну ватандалухасса балайрду.

Ахирданій цинявшябивкІуна ссуралух, ихтилатру буну уттизаманнул виртгаврая, вайннал чувшиврия ва къанкъашиврия.

Сагъират ИСМЯИЛОВА

Щуссалакрал райондалия

## Чувшиврий жан дуллунни

Хасьсса аьралий операциялий Ватандалул мурадру буручлау къучагыну талай бур Дагъусттаннал чиваркІ. Цуксса хІайпнугу, аьралий бурж биттур буллау чІавуссаннал жанну дуллау бур. Пашмансса хавар бивунни вай гъантрай Щуссалакрал жяматрал ялун. Хушрай аьралий операциялий гуртту хъун лавгсса Щуссалакрал шяравасса Аьлимирзал арс Рустам Мирзаевул чувшиврий жан дуллуну дур.

Украиннал аьршарай талай Рустам Мирзаевул мйява барз хъуну бур, Ватандалул дазурду ва Донбасуллал агълу буруччаву мурадрай контракт чирчуну лавгссия ва хасьсса аьралий операциялий гуртту хъун. Къуллугъ буллау уссия Херсоннал областьрай. Рустамлул жан дуллуну дур Конки тІисса неххал куямур зуманив дирхъусса Крынки шяраваллил



цІанийсса талатавриву.

Щуссалакрал райондалул бакІчи МамагІи ХІамзатовул, администрациялул ва личІи-личІисса идарарттал зузалтрал жижара бунни аьраличувнал бурж лайкъну бартбивгъусса Виричувнал гъан-маччинахъ. Щуссалакралагъулданун ва мудангу даКІний икІантІиссар.

## Авгъан дьявилул ветерантурацалсса хъунабакъаву



Совет аьрал Авгъаннава бубкан буну 35 шин шаврин хасну, Щуссалакрал райондалул Аьлинихасса социал къуллугърал центрданій (КЦСОН) хъунни авгъан дьявилул ветерантурацалсса хъунабакъаву.

Авгъаннал аьршарай интернационал бурж бартбигълай бивкІсса аьралитурал захІматсса къинирду лахълан багъссар. Авгъаннавун гъаннин, цивпаптай иширттаву савсъсса коммандиртурал цукун хІадур буллау бивкІсарив, Совет аьралитал цукун къучагыну талай бивкІсарив бувсунни ветерантурал Центрданул зузалтрахъ. Вайннал даКІнийн бивчунни чил билаятрай жанну дуллусса аьралий гъалмахтал.

– Зу яхІирай лархъссар Авгъаннавусса дьявилул къинирду, ккаккан дурссар чувшиврул эбрат. Жула халкъунначІа зу мудангу къадру-къиматрай буссару, – увкунни Центрданул хъунмур Малика Жамхатовал.

Укуннасса, авгъан дьявилул ветерантурацалсса хъунабакъавуртту хъунни райондалул школардайгу. Дуклаки оьрчІру Ватан ххирану, билаятрал лавгмунил хІурмат буну тарбия баву мурадрай школардай дирхъунни Къучагышиврул дарсру. ОьрчІахъ бувсунни авгъан дьявилул тарихрая, тай иширттаву чувшиврий жанну дуллусса Дагъусттаннал аьралитурая. Дуклаки оьрчІал бувккунни Авгъан дьявилул гурттучитурал чивчусса шеьрирду.

## Къучагышиврул дарсру

«Влатру» тІисса Шалагу Аьрасатнал проектрал лагрулий Щуссалакрал райондалул школардай хъунни хасьсса аьралий операциялул гурттучитурал хъунабакъаву. Ватан дуруччул Къинилун хасну, аьралитурайнгу оьвкуну, дирхъунни Къучагышиврул дарсру. Хасьсса аьралий операциялий гуртту хъуна райондалул школардал выпускниктурал бувсунни учительтурахъ ва дуклаки оьрчІахъ

Украиннал аьршарайсса тагъардания, хасьсса аьралий операциялул агъамшиврия ва жула аьралитурал чувшиврия. Ихтилатру хъунни Ватан ххирашиврия, аьралуннаву къуллугъ бан аьркиншиврия. Хъамаллурал мукунма бувсунни цуксса ххари шайссарив операциялий гуртту хъанахъими дуклаки оьрчІау бувкІсса чагъардая ва посылкарттая.

Адриана АБДУЛЛАЕВА

Ниттил мазурдил Къинилун хасну

# «Лакку мазраха зунсса аьлимтал ялун най члалай бакъар»

Ниттил мазурдил къинилун хасну жу редакциялий хунабавкъуру лакку мазраха хунабавкъуру захмат бувсса инсан, филологиялул элмурдал кандидат, ХIажинал душ Роза Эльдаровачал. Ва чIарусса шиннардий зий буссия Дагъусттанал паччахIлугърал университетраву студентъуран лакку мазлахъхьин буллай, архIала лингвистикалул элмулул давуртгивгуччлай. Тамансса шиннардий зий буссия «Илчилийгу». Лакрал буккултран Роза Эльдарова кIулссар ххуйсса публицист ва таржумачи хIисаврайгу. Ва лакрал чичултрал творчестволул анализ дуллалисса цаппарасса макъаларттал авторгур. Гъаннайсса, элмулул ва кIулшиву дулаврил хIакъсса зузалар. Цуппагу Гъухъалиятуссар.

1958 шинал мусил медальданий школагу къуртал бувну, ва дуклан бувхссар Пединститутрал тарихрал ва филологиялул факультетрайн (уттисса ДГУ). Кафедралул ванин аспирантуралувун буххансса рекомендация дулуну дур, амма, цIунилгу дуклансса сант дакъа, ванин багъну бур Чарттал школалый оьрус мазрал ва литературалул учительну зун. КIира шин ва школалый зий дурну дур. 1968 шинал ва Дагъусттанал университетраву зун байбихуну бур, 25 шин дурну дур шикку зий. УрчIалку шиннардий, университетраву лакрал отделение титIайхту, дагъусттан мазурдил кафедралый зун бивкIссар. 2017 шинайн бияннин зийгу бивкIссар ва даврий.

- Роза ХIажиевнай, жу вин барчаллагърай буру, кIу къабивзун, жушалва хунабакъин бучIаврихлу. Жул ца мурадну бия цукун чичин аьркинсарив тавиш хъанахъисса мукъурттиляввил аькылсса маслихIатирттах вичи дишинсагу. Цава-ца махъ словарьдай личIилчIину ккаккан бувсса ишру хунабакълай бур. Цумур словарьди жу чичрулул давриву гъанулун ласун аьркинсса?

– Миллатрал мазхъичIунмай шаврил бияла словарьдахъ буссар, гъай-гъай. ХIажи Муркъилинсийл словарь жунма цинявннан кумагчи хъуссар. Дагъусттанал миллатирттал мазурдийсса ва оьрус мазрайсса



Роза Эльдарова

академический журналлул словарь хъхъичIва-хъхъичI итабавкъуссар Саэд Хайдакъовлул. Ися Абдуллаевлул итабавкъунни лакку мазрал элмийсса тарих авадан бувсса хунабавкъуру словарь. Бур цаймигу словарьду. Амма ттуша, гъамин, ва словарьданий бусса кушцуй зу чичлан аьркинссару учин къахъунссар, ми циняв аьлимтал лакку мазраха дакIнихтуну къуллугъ бувсса инсантали, цинявннал словарьдугу къиматрай бикIан аьркинссар. Цалийн къадуркIсса чичрулул къайдарду жула мазраву ттугу мадарасса хунадакълай дуссар. МуницIухва, цава-ца махъ личIи-

личIину чичавугу гъалатIран ккалли буллан къабучIиссар, буссар махъру кIивагу журалий чичин бучIиссагу. Микку хъиннува мюрш бикIлансса чарабакъашиву чIалай дакъар. Так уттинин салкъигу хъуну, авадангу хъуну, жува хIакъину гъалгъа тIисса, чичлачисса ниттил маз ябансса ва буруччинсса кашилуцIагу, кIулшиллуцIагу хъуну къаличIлай бухурча. Махъру зумух ласасийнигу, чичлачийнигу битияра илжинну экъинан. Мазрал цилва буцинтIиссару жува аьркиннийн.

- Цукунсса тагъар дур



Жагъилний

хIакъину университетраву лакку мазрал отделениелул?

– Суал ттухъхъун булун багъайсса бакъар. Ялунгума, зу хъхъунсса суал бур, зу кIул буван аьркинни ци тагъар дуссарив. Нава зий бивкIсса университетрал оьрмулул иширттах къулагъас дакъа бура учингу къахъунссар. Ттун кIулссаксса, дукIугу, кIурссанугу лак къамул бувну бакъар. Цайми миллатирттал отделениерттайнсса абитуриентъталгу чан хъунни тIий бур. Цуксса хIайпнугу, бакъар лакку маз лахълан ччисса, лакку мазрал кIулшивуртту куртIугу, цIакъгу дуллан ччисса жагъилми. Бумигу, итхъяхмигу цайми пишардай зий бур. Масалдаран, Педагогикалул институтраву буссия лакку мазрал преподаватель Жаннат Баши-

рова, гъарца чулуха итхъяхъсса, мазраха зунсса гъирагу бусса. Къариртунни преподавательнал даву, арх бувцунни. Тагъар мийжаннугу пашмансса дур.

- Буси инава хIакъину ссаха зий буссарав.
- Ттуша ссахачIав къазий бацIангу къашай. Цанасса чIумал чIявусса затру дуллангу ччай бур. На лакку мазрайн таржума буvara «Зунттал хъами» журнал. Лакку мазрайн таржума буллай бура мубараксса «Инжил» луттиравасса бутIри. Мукъул, калималул мяъна даххана къахъун хъинну ялув бавIуну, хъирив лавну, пикри бувну дуван аьркинсса даву дур, мукун дуван хIарачатрайгу бура. Цумур-цагу таржумалул маз авадан буллалиссар. Зий бура ттигъанну аьпалухъхъун лавгсса жула хъунасса аьлимчув Ися Абдуллаевлул архивраха. Шиккува кIицI лаган ччива, ванал кулпат Асият хъинну хъуннасса даву дуллай бушиву архив батIин, низамрайн буцин. Дуллай бура мукунна ванал хIадур буллай ивкIсса «Лакку мазрал аьлам» тIисса луттирал редакторшивугу. Шиву цацIун бувну бур «Илчилийгу» бившусса, лакку махъру ттирикIакIисса статьярдугу. Цамургу лу хIадур буллай бура «Заманалул чу» тIисса. Ва луттиран цIагу Ися Халидовичлул цала дирзсса цIар. Вагу бур лакрал хъхъичIунсса инсантураясса, Саэд Габиевлуясса, Курди Закуевлуясса, Абачара ХIусайнаевлуясса, МухIаммад Дандамаевлуясса ва цаймигу цIанихсса инсантураясса. Ися Абдуллаевлул махъвамахъ итабавкъсса словарь ишла бан къулайсса бакъар. Ва лапва хунабавкъуру бур. Ва словарь кутIа буллай бура, оьрус махъру, бухсса махъру, мукъул формарду, лугъатрал махъру буккан бувну. ЧIивисса, канил бугъан къулайсса словарь буссар. Ва дуняллийн буккан буван хъурча.

- Винна уттигу дузрайн дуккан дан ччисса ци дур?

– Лакку мазрал грамматика чичин ччива. На, университетрал филологиялул факультетрал студентъурансса учебник хIисаврай, ччянира чирчуссия лакку мазрал фонетикалул, фонологиялул, орфоэпиялул даву. Языккознаниялул бутIраха зун багълай бур, синтаксисрах къулагъас дан дур. Аьли Къаяевлул давурттан хас дурсса макъаларттугу чичин ччай бура. Уттинингу чичав. Дулланмур диялсса дур, кагу, чIунгу хъирив лаярча, дурмур дуняллийн дуккан дувансса къудрат хъурча.

- Цал уттигу барчаллагъ винхунабавкъуру. ЦIуллушиву дулуннав вихъхъун дан дакIиниймур бардигъинсса. Кабакъиннав вицIун Заннал. Ина бура хIакъину жула ниттил мазрал ца ттарцIну хъусса инсан.

## Зувинниха ливчусса луттирду ниттил мазурдий

Ваний гуртту хуна Миннацрал хунама Энрик Муслимов, ДГУ-рал Ниттил мазурдил центрданул хунамур Марина ХIасанова, А. А. Тахо-Годил цанийсса Дагъусттанал педагогикалул элмийсса институтрал директорнал хъиривчув Низами Сафаралиев, МахIачкъала шагърулул КIулшиву дулаврил управлениялул ниттил мазурдил методист Рукъият АбархIажиева,

Миллатрал политикалул ва диндалул иширттал министерствалул конференцияртту дай залдану хуна Ниттил мазурдил къинилун хас бувсса ккуркки стол.

ниттил мазурдил учительтал, чичулт, миллатирттал СМИ-рдал вакилтал, студенттал.

Энрик Муслимовлул кIицI лавгуна, ва агъалинан цалва ниттил мазрал къимат бикIан аьркиншиву дакIинин бутлатисса къини хъанахъишиву, жуйвасса

ца яла хунамур буржгу мазру ябаву бушиву. Жулваминнухагу аякъа дурну, чилми мазурдилгу хIурмат бикIан аьркиншиву. Марина ХIасановал бувсуна Миннацрал кабакаврийну махъсса ппурттуву ниттил мазурдийсса зуvinниха ливчусса луттирду ду-

нияллийн бувкшиву. Бувсунни уттигъанну итабавкъусса «Религиозный код культуры в дагестанской паремнологической картине мире» тIисса луттираягу. Низами Сафаралиевлул бувсуна школарду ниттил мазурдийсса луттирдал дузал баврил тагъар цукунсса дуссарив. КIицI лавгуна «2015-2025 шиннардий республикалий кIулшивуртту дулаврил даву хъхъичIуннай дува-

ву» мурадрайсса паччахIлугърал программалул лагрулий бардигълай бушиву «Дагъусттанал агъалинал мазру ябаву ва гъаз баву» тIисса подпрограммагу. Гъаз бувна ниттил мазурдицIун бавхIусса цаймигу агъамсса масъалартту. МахIачкъалалал 35-мур гимназиялул дуклаки оьрчIал увкуна ниттил мазурдийсса балайрду.

Лажин хIадур дурссар ПатIимат РАМАЗАНОВАЛ

Ниттил мазурдил Кьинилун хасну

# Москавливгу лакку мазрал дарсру



– Инсаннал хиял та-бухурчагу бакIуйн буккайсса бур. Бартавлунни лакку мазрал учитель хьунсса чяннищавасса ттул хиялгу. Нава Москавлив лакку мазрал дарсру дихьлансса дакIний-мазрай бакъассия. Заннал тIайла бацIан бунна на ва даврийн. Цакьини лавгссияв «Лакку биляят» тIисса Москавливсса лакрал жагьилтурал цачIушиннарал (ММОЛ «Лаккия») ва «Дагестан» МЦК-лул дулласса лакран хас дурсса мероприятIийин. Щала мероприятие оьрус мазрай хьуна. Миккун бивкIсса цайми душавращал ккурандалул хьунама Жамалуттин ОьмаровлуцIан гьан хьуну, мунил хIакьираву ай-бювкьу бувссия. На кумаг банна, аьркинну бухурча, уттиния тихуннайсса лакрал мероприятIяртту лакку мазрай дан хIарачат бувара увкуссия. Мунир махь, сентябрданний, лакку мазрал дарсру дишинсса учитель акъа луглай бивкIун бия. Ккурандалува сса Нураттиннул шаппа ихтилат хьуну, мунал ниттил нагу бусса лакрал группалувун чивчунна. Ккуранчиталгу ттухун бахчуна му даву вила бакIрайн ласи тIий. Хьирив кьини Жамалуттиннулгу оьвкунна. Хьунабавкьуну, ихтилат барду, цалийн бивкIру. Ххари хьура ттуийна дурсса вихшалдараягу, амма, даврил жаваблущиву дурчIлай, сикъаслай буссияв. Вана укун хьуссар ттуяту лакку мазрал учитель. Цалчинсса дарс дирхьуссар на 2023-ку шинал февраль зурул 19-нний. АцIинияхьайсса оьрчIру бия дарсирай. КIилчинмур дарсирайн кIилий ххисаласса бивкIуна. Шамилчинмуний тIурча, класс бивкIуну, шябикIансса кIану бакъая, – буслай бур Ххадиджат.

Мунир шихунмай ХхадиджатлуцIан лакку мазрал дарсирдайн букIлакIими ялу-ялун чIяву хьанан бивкIун бур. Жагьилтал гьирарай лахьлан бивкIун бур лакку маз. ОьрчIругу, учительгу цанагу цаннан ца бивкIлай, кунная кув рязину бур. Лакку маз лахьхьин букIлакIисса оьрчIру кIива

**ХIакьину, жува лакку мазрал тагьар кьуманивун дагьну душивлягьиврия леххаву тIисса чIумал, Москавлив лакку мазрал дарсру дихьлахьаву цума-цагу миллатрайгу, мазрайгу дакI цуцIисса инсан ххари хьунсса иш бур. Цанасса тагьар хIисавравун ларсун, шагьрулий хьуни хьусса оьрчIан ва душавран цала ниттил маз кIулну бивкIан аьркиншиву бивкIлай, му лахьхьинсса гьира бушиву хьунмасса ишри. Маз ябаву мурадрай дуллалисса цумур-цагу давугу бусрав-барчаллагьран лайкьри.**

**Москавлив личIи-личIисса вузирдаву, колледжирттаву дуклакисса лакрал жагьилтурахь лакку мазрал дарсру дихьлай Щуссалакрал райондалиясса Ххадиджат Цаххаевал ца шин хьунни. Ванил бусласимунийн буну, ниттил маз лахьхьин ччимси ялу-ялун чIяву хьанай бур, маз лахьхьинсса гьирагу миньаву хьунмасса бур.**

бугIуйх бавчIуну бур. ХьхьичIмур шинал занай бивкIсса, цаппарасса кIулшивуртту ларсьсса оьрчIая сакин буну бур агьаммур группа. Шивун 20-30 оьрчI бухлай бур. Бур лакку маз бувагу кьакIулсса, гьашину дарсирдайн занан бивкIсса оьрчIая сакин бувсса нулевой группалу. Шиву ацIинияхьайсса оьрчIру бур. Цанная цаннан баллай, кIул хьанай, гьантта бивкIуну чIяву хьанай бур лакку маз лахьхьин ччимси. Гьашину ацIуннийн бивсса цусса оьрчIру-душру занан бивкIунни дарсирдайн. Лакку мазрал дарсирдайн заназиминнаву бур Ккулатусса, Хьусрацатусса, Хьуриясса, ЦувкIратусса, Вихьлиясса, Кьяниясса, СумбатIлиясса, Хьювхьатусса, ХьурукIратусса, ЦIушарниясса, ЦIийшатусса оьрчIру-душру. ЧIявусса бур ЧIяйнал шяравасса. Гьашину занан бивкIунни 6-мур классраву дуклакисса душ. Ва бур оьрмулдул яла чIивимур ученица. Душгу, бавагу ххарил лехлай бур лакку маз лахьлай тIий Мукума, цуну бивкIминнаву бур ЧIявусса жагьилсса ласва шар, Хьусрацатусса уссу ва ссу, шанма ттурчIиридуш, ЦIуссачIуртташял шяравасса кIива ссу.

– Цинявпагу оьрчIру мяьрипат дусса, ххуйсса тарбия ларсьсса бур. Лакку мазрал дарсирдал цачIун буну, уссу-ссу кунма, ца кулпат кунма буссару. Уттинин ттул ца арс ва ца душ буссия, утти ттул арсру – душру чIяву хьунни, кулпат хьунма хьунни, – тIий, ххарину бур Ххадиджат.

Ххадиджат хьунмасса барчаллагь тIий бур Москавливсса цинявпагу дагьусттанлувтал, хаснува лак, цачIун баву, лагма лаган баву мурадрай хьунмасса захIмат бихьлахьисса, миллатрал иширттай бакI цуцIаву дуллалисса хIакьсса патриот, «Дагестан» МЦК-лул президент Арсен Буйдалаевич ХIусайновлухь.

– Шийх дуллалисса лакрал цинявпагу мероприятIярттаву Арсен Буйдалаевичлул захIматрал бутIа хьунмассар. Лакку мазрал дарсру дяличIан кьаритангу ванал бакI цуцIаву дурссар, – тIий бур Ххадиджат.

Дарсру дишай нюзмардий цал, алхIаткьинирдай: ссят 6-нния 7-ннийн бияннин - нулевой группалухь, 7-нния 8-ннийн бияннин - агьаммур группалухь. Дуккаврил шин кьуртал шай май зуруй. Му кьинигу вайннал, цинявпагу архIал маевкалийн лавгун. тьяхьану кIицI лагай.

Шинал лажиндарай вай гьуртту шай Москавливсса лакрацIун дархIусса сайки циняв мероприятIярттай.

«Дагьусттан» МЦК-лул тапшур буну, ларгсса шинал сентябрь зуруй Ххадиджат КьурбанмахIаммадовнал, цила ученикталгу кIункIу буну, МЦК-лул чялишсса члентуравасса ца Басират Билаловашал цачIу хIадур дурну дия Расул ХIамзатовлун 100 шин шаврин хас дурсса мероприятие. Миллатирттал янналуву, лакку дукрардал ссупрардугу тIивтIуну, шашаврил мастер-классругу ккаккан буну, Ххадиджатлул цила чивчусса «Бутахьал аьдату» тIисса пьесалул парчагу бивхьуну, лавайсса даражаллий хьуна мероприятие Дагьусттаннал вакилханалий.

– Укунсса мероприятIяртталгу хьиннува гьавас бутай жагьилтуравун, – тIий бур Ххадиджат. Цила учениктурал ва мукума гьуртту хьуну бур лакку мазрал диктантрай. Шиккугу маз дахьва итхьхьлан бивкIсса оьрчIал ккаккиртту оьккисса кьархьуну дур. Гьарича дарсирал ахирданний Ххадиджат КьурбанмахIаммадовнал цIуххай оьрчIахь: «Цукун ларгри хIакьинусса дарс? Ссай дакI даркьунни зун, цукунсса дахханаши-вуртту данну хьиривмур дарсирай?» – куну. Минналмур пикригу хIисавравун лавсун, оьрчIавун хьиннува гьира бутансса куцуй хIадур шай хьиривми дарсирдайн.

Уттисса дарс Ниттил мазурдил кьинилун хас дурсса дикIан тIий бур. Мунийнин оьрчIру лахьлай бур ниттил мазран хас бувсса шеьриду.

Ххадиджат барчаллагьрай бур аьркин багьтарив ва давриву цинма кумаг байсса Щуссалакрал школул лакку мазрал учительница СалихIат МахIаммадовнайн ва Чапаевкалал школалий лакку мазрал дарсру дихьлахьисса ванил душ Зулайхат Тажуттиннайн.

Дарсирдайн заназисса оьрчIалдушаврал бусласимунийн буну, царагу дарс бизарсса, гьира бакъасса кьашай. ОьрчIру учительнаягу, учитель оьрчIаягу рязину бур. Му бивкIлайгу бур. Ххадиджат КьурбанмахIаммадовна дакIнил ларсьсса давриву щала цила усттаршиву ишла дуллай бур.

**АхIмад Жандаров, ш. ХьурукIул:**

– Цаппара шинну хьунни ттул «Лакку биляят» тIисса Москавливсса лакрал жагьилтурал цачIушиннарал (ММОЛ «Лаккия») сакин дурсса лакку мазрал дарсирдайн занай. Цана агьаммур группалуву ура. Маз

итхьавхьунни. Ттиния тихунай-гу ттула кIулшивуртту гьаз дуллансса пикрилий ура. Хьунмасса барчаллагь жухь лакку мазрал дарсру дихьлахьисса Ххадиджат КьурбанмахIаммадовнал. Ва унгу-унгусса патриот бур. Лакрал жагьилтурал цачIушиннараву на кIул хьура ва цIакьсса душиву дав чIявусса ххаллилсса ватанлувтурал. Ва дур ватандалул ссицI бусса, бунялагу, гьурбатрайсса лак цачIун буллалисса ккуран.

**Асият АхIмадова, ш.Хьусраши:**

– На дуклай бура «ММОЛ «Лаккия» тIисса кIулшивуртту дулаврил центрданний. Москавлив цала ниттил маз лахьхьин ччинан ххуйсса сант дур шикку. Ттула ватанлувтурал хIалагьуртту бушиврия, цачIу лакку маз лахьлай бушиврия хьунмасса ххаришиву дур. Шинал лажиндарай дарсирдайн занай, ттун ххуйну бивкIлан бивкIунни лакку маз, лавхьхьунни гьалатIру чанну чичлан. Хьунмасса барчаллагь учин ччай бура жухь-ра дарс дихьлахьисса Ххадиджат КьурбанмахIаммадовнахь. Ва жаваблущинна дусса, гьарнашал маз лякьин кIулсса учитель бур. Жун ниттил маз лахьхьин бансса, дарсирдах гьира бутансса чаран ляхьлай, хьунмасса захIмат бихьлай бур. «Лакку биляят» цачIушинна жун миллатрал кюру кунмасса кIану бур, кIулшивуртту ласаврицIун, миллатрая, жула багу-бизулия, аьдат-эбадатирттая гьалгьа бан буюхьайсса.

**Жамиля Мехтиева, ш.Цуртгаци:**

– КIилчинсса семестрди ттул «Лакку биляят» центрданний лакку мазрал курсирдай дуклай. Жул программа лакку мазрал грамматикалия, лексикалия, фонетикалия кIулшивуртту дулунасса куцуй сакин дурну дур. Хьунмур кьулагьсарив фонетикалух дур. Курсирдайн занан бивкIсса чIумал ттун бувагу кьакIулссия лакку маз. ДачIи шинал дянив буллалисса ихтилат бивкIлан бивкIунни. Маз лахьхьин баврицIун, Ххадиджат КьурбанмахIаммадовнал бусай жухь миллатрал иширттая, магьирлугьрая, лакрал шархьая, жула дукрардая. Учителнаву жун маз лахьхьин бансса гьира хьунмасса бур. Жун му гьарича дарсирай асар хьанан бивкIай. Жу цачIу личIи-личIисса мероприятIярттугу дарду. На циняв Москавливсса лакку маз лахьхьин ччисса лакран маслихIат бавияв дарсирдайн занан.

**Даниял МахIаммадов, ш.ХьурукIул-Хьур:**

– На ура Москавуллал вузрал студент. Ларгсса шинал сентябрь зуруй соцсетирдаву ттун кIул хьунни «Лакку биляят» тIисса Москавливсса лакрал жагьилтурал цачIушиннарая. Вайннал сакин буну бия лакку маз лахьхьин байсса курсру. Ттун лакку маз бувагу кьакIулссия. Айивхьура байбихьлул группалуву. ДачIи шинава маз бивкIлан бивкIунни. Цана агьаммур группалуву дуклай ура, кIулшивуртту цIакь дан байбихьлулмунивусса дарсирдайнгу лагара. Шикку бур гьалгьа буллансса, маз ишла хьунсса клубругу. Москавливсса жула жагьилтурал ххуйсса шартIу дур цала ниттил маз лахьхьинсса.

**Анриана АьДУЛЛАЕВА**

Ниттил мазурдил Къинилун хасну

# «Лак бухурча, лакку мазрай гьалгъа тлутияра»



Райханат Завязновал учениктал

• – Райханат, буси виятува, та байбихъура лакку мазрал дарсру дихълай.

– На байбихъура лакку мазрал дарсру дихълай 1995 шинал. Ва шинал бакрайн лавъссия цалчинмур класс Гъумучиял школалий, циняр дарсру дишайссия на лакку мазрай, так оьрус мазралмур дарс личаннин.

Та чумал цалчинмур классравун бучайва оьрчру так лакку мазрай гьалгъа тласса. Га класс итабакъайху ххюлчинмур классравун, на байбихъура дихълай лакку мазрал ва оьрус мазрал дарсру хъуними классирттаву. 2001 шинайнин на зий бивкIра Гъумучиял школалий, МахIачкъалалив бизаннин. Гания махъгу дихълан бивкIра лакку мазрал дарсру, 2017 шинаята байбихъуну, ххуллункинирдай МахIачкъалалив 9-мур лицейраву. ХIакъинусса къинигу шиккува зий бура.

• – Лакку мазрал дарсирдан кумагрансса материаллу, пособиартту дузалну бурив? Ниттил мазурдийсса луттирду биял хъунусса бучайив школалийн?

– Жул школалийн бивкIунни цIусса луттирду так ряххилчинмур классравун бияннинсса КIира шинал хъьичI.

Лакку мазрал дарсирдан кумагрансса материаллу, пособиартту, цичIар къадуркIунни яла. Мигу тIалав дуллан багълай бур жунма, ягу машин ларсун, ягу жура

Ттун ххуй бизай тележурналист, «Дагестан» ГТРК-лук Лакрал редакциялул хъунмур редактор Тамара Закаръевал ниттил мазрал учительтурал хIакъираву увкумур. Жува хIакъину оьрус маз лахъхъин буллай бивкIсса лавгзаманнул оьрус учительница хъан гъайкаллу дацIан дуллай, хIурмат буллалисса кунма, ниттил мазрал учительталгу мува хIурматран лайкъессар тIисса мянамурадрийсса. Махъ мукъуй бивхъуну Тамарал увкумур дакIний бакъар, бюхъай на цахъис бахханану бувсунгу бивкIан, гъанумур чIурчIав дия Тамарал увкумуниву ниттил мазру лахъхъин буллалисса учительтурал къимат бивкIан аьркинссар тIисса. Хъинну тIайлассар! Жува ниттил маз миллатрал гъанур, ххазинар тIий бухъувкун, миллатрал маз лахъхъин буллалимигу ххазинардал ххуллийссар. Хаснува ниттил маз лахъхъин буллалаврил дарсругу, давугу, жунна цинявнин кIулсса саварттайн буну, ялу-ялун захIмат хъанахъисса цIанасса ппурттуву. МахIачкъалалив 9-мур лицейрал учительница, Гъумучиял шяравасса Райханат Завязновалли жул хIакъинусса ихтилатгу.

дурну дидактический материал-карточкарду, наглядный материал ва м.п.

Ряххилчинмур классраяр лавайми классиртансса луттирду къабувкIунни, бухссагу бакъар. Амма оьрчру хIадур буллан аьркинну бур олимпиадарттайн, классиктурал произведенийртташалгу кIул буну.

Вай луттирду бучIаннин хъинну кумаг хъуна «Дараччи» клубрал каялувчину зий бивкIсса Мариян Илиясовал школалул пишкеш бувсса буквардая, миннул кумаграйну дишайссия дарсру цалчинми, кIилчинми классиртахъ. Вайминнувугу дарсру дихълан ца-ца лу бакъа-бакъая. Луттирду бакъа, лакку мазрал учительтурал захIмат шайва дарсру дихълан. Утти бивкIсса учебникирттал программалийн буну материаллу лахълансса, ниттил

маз кIулсса оьрчру бакъар школардай.

Вайннан маз лахъхъин буллан багълай бур гава азбукалия байбихъуну, гихунмай тикрал буллай гава га. Сентябрьданий бучайху, вайннан хъамабивтун бивкIай шаллусса шинай лавхъхъумур. Мукун гьарца шинал. Шаппа лакку мазрай гьалгъа къатIий буну тIий нину-пту цала оьрчIашал, укунса тагъар дур. Амма учительталгу, лакку мазрай дакI шуцIимигу цуксса леххаву тIурчангу, цичIар даххана хъанай дакъар!

• – Мюршими классиртахъ бигъарив лакку мазрал дарсру дихълан ягу хъуними классиртахъ?

– Ттун бигъану бивкIай мюршими классиртахъ дарсру дихълан, цанчирчан, миннал гьира ххилаласса бивкIай маз лахълан, вичIи дишай увкумуних, бучIай

цивппа чIал къавхъуну дарсиррайн. Лавайми классирттауриув учительтурал оьрчIал хъирив занан багълан бивкIай, гай дарсирдая къалихъан, миннал личIину гьирагу къабикIай лакку мазрах.

• – Лакку мазрал опыт бусса педагог ХIисаврай, цукунсса маслихIат бунанссия оьрчIан лакку маз лахъхъин бунан чIисса нитти-буттан?

– ХъьичIва-хъьичI учивив, гьалгъа тIутияра зула оьрчIашал шаппа лакку мазрай! Нитти-буттан ччай бур, цивппагу гьалгъа къатIий шаппа, оьрчIан учительтурал маз лахъхъин буллай школалий. Ца-КIира дарсирдай къашайссар шаллуну маз гьалгъа тIунну лахъхъин бунан, цуксса итхъяхъсса учитель унугу. ОьрчIашал аьркинссар гьалгъа тIун гьарца къини шаппа, «языковая среда» дан аьркинссар ичIура. Мукун гьалгъа къатIурчан, оьрчIан маз къалахъхъайссар. ЧIавусса нину-пту бур цивппа маз къакIулсса, миннангу бучIия, цанмагу маз ишла хъун, ниттил мазрал дарсру лахълансса хIарачат буллан. Бурхха ниттил мазру лахъхъин буллалисса онлайн-школарду цIана, бур курсру, бур укунна дарсру дихълахъисса учительтал.

• – Къалахъхъирчагу зат бакъар тIутIиминнахъ цичIуниссия?

– Миннахъ цIуххинтIиссия, зу цичI миллатрал инсанталлу? Зу оьрусрув, бувагу, цичI миллатрал халкъру, оьрус мазрайгу гьалгъа

тIий, жун лакку маз къааьркинни тIисса. Зу лак бакъарув? Лак бухурча, гьалгъа тIутияра лакку мазрай зувагу, оьрчIашалгу!

Ца-цавай бивкIай, оьрус маз хъиннува гужну лахъхъин бан оьрчIан, лакку мазрал кIанай «русский как родной» тIисса дарсиррайн оьрчIру гъан буллай, амма му дарсирал миннан кумаг къабай оьрус мазрал куртIесса кIулшивуртту ласун. Ца-цавайннал шавкьирай гъан бай оьрчIругу, лагай цивппагу ингилис маз лахъхъин, му аьркин хъунтIиссар тIий оьрмулуву.

Инсаннал цала хIарачат къабуну къашайссар я оьрчIан, я цанма маз лахъхъин, дикIан аьркинссар мазрахсса ччаву, шавкъ, гьира маз лахъхъинсса. Цува цичI миллатрал инсан уссарив ккаккан буллалисса лишанни бур ниттил маз!

• – Шаппа лакку мазрай гьалгъа тIий бакъабухурча, цукунсса къайдарду ишла дара ина оьрчIал бакIраву лавхъхъумур цIакъ бансса мурадрий?

– На гьарца дарс дайдишара мукъурттишалсса даврия, азбука тикрал даврия, гьарца хIарп учайсса куц тикрал бара гьарца дарсиррай. ДаКIний личIаншиврул махъру, ишла хъуншиврул, ми махъру бусса предложениертту дурну чичIачи бара.

Яла, ца тема дуллуну, чIирисса сочинение чичIачи бара, маз итхъяхъан бунан, хаварду бусласи бара, гьалгъа тIун лахъхъиншиврул. Гьалгъарду буллали бара цаннашал ца, викторинарду дара. Лакку мазрайсса мультфильму ккаккан дара миннан гьира бутан, лакку мазрайсса балайрдах, ккалаккисса шеьрирдах вичIи дишин бара. ЧIавуну лакрал гимн тIутIи бара балайлийну, хъама къаритан.

• – Райханат, ниттил мазурдил байрандалул гъантрай лакку мазрал учительтал барча баврил ххуллийсса ца маслихIат уттигу.

– На чIявуну учара оьрчIахъ, зу яла пашман хъунтIиссару ниттил маз лахъхъинссиявхха тIий, мунияту, чIун дунура, цIанава лахълахъияра, – куну. Яла лахълансса чIунгу, сантту къадикIантIиссар. Ттун кIулли чIявусса жагъилсса оьрчIру, душру нитти-буттал цан мюршинийва маз лахъхъин къабунуни, утти хъанай бакъар, чIунгу дакъар тIутIисса. ХIатта гайннан цанма кIулну бунугу ниттил маз, цашала цивппа гьалгъа тIун бивкIайва лакку мазрай, жушIалив тIурча - оьрус мазрай, тIун бивкIай.

Мунихлуну, нитти-буттан маслихIат хIисаврай даКIнин бутанна: «Та бухурчагу, оьрчIал зухъагу учинтIиссар вай махъру – чIунгу дунура, бюхълайгу бунува, чIараву бунува, гьалгъа тIутIияра зула оьрчIашал лакку мазрай».

Ихтилат бувссар  
Патимат РАМАЗАНОВАЛ

## Машгурсса инсантурал ниттил мазрая увкумур

Маз – му халкъуннал тарихри. Маз – му цивилизациялул ва культурулул ххуллур.

Александр Куприн

Маз – му яла сагъмур, яла гужмур ва яла цIакъмур дахIавур, халкъуннал ларгсса, цIанасса ва дучIантIисса никру бюхттулсса, тарихийсса, рухI дусса цIалуннасса

ца затравун цачIун дуллалисса.

Константин Ушинский

Маз оьккисса ягу ххуйсса бивкIан къабюхъайссар. Цанчирча маз – му дагъанир, цийн пув тIавугу ахIмаксса.

Виссарион Белинский

Гьарца инсаннал цалва нит-

тил мазрахсса ургаврийн буну чIалан бивкIайссар мунал культурулул даражагу, граждан хазнагу. Ниттил мазрахсса ччаву дакъа цалва билаятрахсса хIакъесса ччавугу дикIан къабюхъайссар.

Константин Паустовский

Маз бакъа я личностьраца, я миллатраца цалва пикрирду

ва асарду цайминнайн биян бунан къабюхъайссар, хаснува хъирив нанисса никирайн.

Хачатур Абовян

Ниттил мазрал ххаллилшиву мйжаннугу дурчIайсса му чил ссаврунналу баллалисса чIумалли.

Бернард Шоу

Махъру я аьсрурдаца, я рикIираца мори бунан къашайссар.

Янка Купал

Миллатрал бивкIу бакъашиву мунил мазравур дусса.

Чингиз Айтматов

ХIадур бувссар  
Бадрижамал АБЛИЕВАЛ

Дурусну кIира шин ларгун-ни Украиннал аьрщарай Аьрасатнал аьралий гужирдал хасьсса аьралий операция бай-бивхьуну. Гьантлия гьантлийн лахьи дурккун най дур ватандалул ххуллий чувшиврий жанну дуллусса чиваркIуннал сияхI.

ХьюцIалаксса язисса жагьилнал ца дур ва сияхIраву лакрал миллатравагу. ХIайп! Цавай мурадирайнмагу кьабивсса, цавай, мурад булурчагу, махь наслу кьабитансса мутта кьабуллусса, цавай тIурча, цала вилттили оьрчI канил бугьан нясив кьавхьусса, цавайгу оьрчIру ятинталну кьабивтун лавгсса...

Ляхьи дурккун най дур хасьсса аьралий операциялул Бессмертный полкрал кьокьагу, яни ппухьлуннал суратру дургьуну патриотический акциярдай гьуртту хьанахьисса мюршултрал кьокьа.

Аьпа бивкIулияр ххувсар учай. Буруччинну жушава бюхьайссаксса ватандалул ххуллий жагьилнура жанну дулун багьсса жула язисса арсаврал аьпа! ДакIния дуккан кьаританну вай исвагьисса, дюрхьусса, нурданун лархьсса симанну!

Ахират тIитIиннав кан!

**Зулайхат ТАХАКЪАЕВА**

Аьпа абадми

## Z операциялул бивкIу бакъа вирттал



*Нурмагхаммад ХIажимагхаммадов Энгельслул арс, ш. Кьян*



*Магхаммадов Шамил Набибуллагулул арс, ш. ЦIуцар-Урчарахьи*



*Айдаев Руслан Заругиннул арс, ш. Хьусраици*



*АхIмадханов -Атаев Заурбаг Амучил арс, ш. Ккул*



*Аьбидов Арсен Юсуплул арс, ш. ЧIайми*



*Бахалаев Рамазан НухIлул арс, ш. Ваччи*



*Бижитиев Кьурбанисмяил Шагьабуттиннул арс, ш. Хьур*



*Гаргаев ХIасан Амсардул арс ш. Хьусраици*



*Гьазиев Алик Багьауттиннул арс, ш. Хьусраици*



*Дибиров Дибир Магхаммадиннул арс, ш. 2-мур ЦIувкIул*



*Жамалуттинов Магхаммад Жамалуттиннул арс, ш. Шар ЦIувкIул*




*Зайдиев Ренат Шамсулваранал арс, ш. ШавкIул*



*Исмьяев ХIадис Шьялал арс, ш. Ссухьияици*



*Исмьяилов Руслан Сугбул арс, ш. Бархьал*



*Исупаев Леонид Рамазаннул арс, ш. 2-мур ЦIувкIул*



*Исаяев Мурад Магхаммадлул арс, ш. Бархьал*



*Кьвардашов Руслан Багьдадинал арс, ш. ГьунчIукьатIи*



*Кьуишоев Рамазан, ш. Увур*



*Кьурбанмагхаммадов Муртазавли Кьурбанмагхаммадлул арс, ш. Вихьул*



*Кьурбанов Кьурбан Магхадлул арс, ш. Хьусраици-Ваччи*




*Магьдиев Мурад Халидлул арс, ш. Ккул*



*Магхаммадов Алик Магхаммадлул арс, ш. ЦIалакьян*




*Магхаммадов Артур Жалалуттиннул арс, ш. Шал*



*Магхаммадов Магхаммадсияд Кьурбан-Магхаммадлул арс, ш. Хьунайми*



*Магхаммадов Мурад Магхаммадрасуллул арс, 2-мур ЦIувкIул*



*Магхаммадов ХIажимурад Магхаммадлул арс, ш. Хьусраици*



*Магхаммадов Шьнгил Кьурбанул арс, ш. Хьусраици*



*Мирзаев Рустам Аьлимрзал арс, ш. ЦIуссалак*



Аьпа абадми

# Z операциялул бивкӀу бакъа вирттал



Турланов Руслан Тажуттиннул арс, ш. Кбурул



Мирзаев Хамзат Минкаиллул арс, ш. Хъусраци



Оьмаев Рашид МахӀаммад-Мирзал арс, ш. Хъусраци



Оьмаров Сергей Рамазаннул арс, ш. Ккул



Рамазанов Абакар Рамазаннул арс, ш. Хъур



Расулов Шамил МахӀаммадлул арс, ш. СунбатӀул



Сайдуев Эльдар ХӀажинал арс, ш. 1-мур ЦӀувкӀул



СантӀуев МахӀаммад ХӀусайннул арс, ш. 1-мур ЦӀувкӀул




Сулайманов Булач Сулайманнул арс, ш. КӀулушацӀ



Сулайманов Нариман ХӀажинал арс, ш. ЧӀайми



Султанов Муртаза Русланнул арс, ш. Шушими



Укад Абзиз Мустапал арс, ш. Ккул



ХӀажиев Асхад МахӀаммадлул арс, ш. 1-мур ЦӀувкӀул



ХӀажиев Мурад МахӀаммадлул арс, ш. Къуби



ХӀажиметов Артур АвдулхаликхӀул арс, ш. КӀулушацӀ



ХӀусайнов МахӀаммад ХӀусайннул арс, ш.2-мур ЦӀувкӀул



ХӀамзаев Абас ХӀажимурадлул арс, ш. СунбатӀул



ЦимӀаев Аьли Муртазал арс, ш. Хъусраци



Чаннанов МахӀмуд МаликхӀул арс, ш. Ккул



Шамххалов Аьду Исмайл арс, ш. Ккул

Ватан дуруччул Кьинилул Хъунин «Россия-моя история» тарихрал паркраву хъунни вирттаврал ппухълуннан хас дурсса мероприятие. Мунийн оьвкуну бия Украиннал аьршарай нанисса хасьсса аьралий операциялий ватандалул ххулий чувшиврий жанну дуллусса аьралитурал ппухълуннайн ва гьан-маччаминнайн.

Мероприятие сакин дурну дия «Сила матерей» ккурадалул ва «Матери России» ккурадалул Дагъусттаннал отделениялул Тарихрал паркращал цацӀуну.

Ваний гьуртту хьуна министерстварттал ва ведомстварттал вакилтал, ДР-лул Халкъуннал Мажлисрал, МахӀачкъала шагьрулул ва Ленинский райондалул жагьилтурал парламентарал депутатгтал, хасьсса аьралий операциялия бигьалаган бувкӀсса аьралитал, жяматийсса ишккакулт.

Мероприятие дайдирихъу-

## Вирттаврал ппухълуннан хасну



на вирттаврал оьрчӀал БивкӀу бакъа полкряя. Ватандалухасса балайлухун хасьсса аьралий операциялий жанну дуллуминнал оьрчӀру бувккуну цала ппухълуннал суратругу кӀунтихъну.

Ватандалул ххулий чувшиврий жанну дуллуминнал ппухълуннахь барчаллагь увкуна «Сила матерей» ккурадалул каялувчи Сефижат МахӀаммадрасуловал,

«Все вместе» фондрал каялувчи Селимхан Мирзехановлул, Халкъуннал Мажлисрал депутат ХӀасан ХӀусмановлул, Миллатрал политикалул ва диндалул иширтал министертвалул пишакар Хасайбат Валиевал, СВО-рал гьуртгучитурал ва цайминнал.

Хасьсса аьралий операциялий жанну дуллуминнал оьрчӀал дурккуну ватандалухасса, ватан дуруччултрахасса назмурду. Мероприятиялий гьуртту хьуна МахӀачкъала шагьрулул ОьрчӀал магьирлугьрал 8-мур школалул дуклаки оьрчӀру. Дагъусттаннал лайкь хьусса артистка Зульфиял увкуна вирттаврал буттахъан хас бувсса балайрду.

Вирттаврал ппухълуннал барчаллагь увкуна мероприятие сакин дурминнахь.

Ахирданий вирттаврал ппухълуннан буллауна Барчаллагьрал чагьарду.

**Лажин хӀадур дурссар  
Зулайхат ТАХАКЪАЕВАЛ**



ИТНИ, 26 ФЕВРАЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

22.55 «Большая игра». (16+).
00.00 «Александр Гроханов. Ис-
поведь». (18+).

(16+).
21.00 «Время».
22.00 Т/с «Союз спасения». (16+).

(16+).
21.00 «Время».
22.00 Т/с «Союз спасения». (16+).

(16+).
19.55 Проект «Цивилизации».
«Илия». (16+).

18.40 «Человек и закон». (16+).
19.45 Телеигра «Поле чудес».
(16+).

21.35 «Клуб Веселых и Находчи-
вых». Высшая лига. (16+).

РОССИЯ 1

ИТНИ, 26 ФЕВРАЛЬ
05.00 «Утро России».
07.35-07.41 Вести-Дагестан
08.07-08.10 Вести-Дагестан

02.10 Анна Ковальчук в детектив-
ном телесериале «Тайны
следствия».[12+]

21.00 «Время».
22.00 Т/с «Союз спасения». (16+).

(16+).
21.00 «Время».
22.00 Т/с «Союз спасения». (16+).

(16+).
19.55 Проект «Цивилизации».
«Илия». (16+).

18.40 «Человек и закон». (16+).
19.45 Телеигра «Поле чудес».
(16+).

21.35 «Клуб Веселых и Находчи-
вых». Высшая лига. (16+).



ИТНИ, 26 ФЕВРАЛЬ
07.00 Время новостей Дагестана.
08.00 М/ф «Маша и медведь» 0+
08.15 М/ф «Смешарики 2D» 0+

04.50 Д/ф «Мил» 12+
04.50 Д/ф «Дикие танцы» 2 с. 16+
05.15 Т/с «25-й час» 3, 4 с. 16+

04.15 Передача на латинском языке
«Алматы ва замана» 12+
04.50 Д/ф «Дикие танцы» 3 с. 16+

04.15 Передача на латинском языке
«Алматы ва замана» 12+
04.50 Д/ф «Дикие танцы» 4 с. 16+

03.35 Д/с «На острие прорыва.
Саперы особобоназначения»
4 с. 16+

03.35 Д/с «Плюкие девчонки» 1
с. 16+

03.40 Д/с «Сестль в стране чудес»
«Астрахань» 12+



ИТНИ, 26 ФЕВРАЛЬ
04.55 Т/с «Пасечник». (16+).
06.30 «Утро. Самое лучшее».
(16+).

03.20 Т/с «Коллек честя». (16+).
ТТАЛАТ, 27 ФЕВРАЛЬ
04.50 Т/с «Пасечник». (16+).

06.30 «Утро. Самое лучшее».
(16+).
08.00 «Сегодня». (16+).

08.25 Т/с «Пес». (16+).
10.00 «Сегодня». (16+).

08.00 «Сегодня».
08.25 Т/с «Пес». (16+).

09.20 «Едим дома».
10.00 «Сегодня».

АЛХИАТ, 3 МАРТ
04.50 Т/с «Пасечник». (16+).

## «Илчилул» календарь

## Ва нюжмардий бувссар:

\*\*\*

Февраль зурул 22-ний 1921 шинал увссар алимчув, дуклаки оьрчансса лакку мазрал учебникерттал автор **Кябуллагь Рахимов**.

\*\*\*

Февраль зурул 22-ний 1954 шинал увссар 1-мур классрал пилот, Дагъусттаннал авиакомпаниялул генеральный директорнал маслихатчи, техникалул элмурдал кандидат **Жабир Абакаров**.

## Барча бавуртту

## Ца яла хьхьичунмур специалист

**К**арашрал шяраватусса Кьасиннул душ Махаммадова Зоял вай гьантрай кичи лаглагиссар юбилей.



ца яла жаваблущиву хьунмур кьуллугьрай – хьин баврил отделданул начальникну. Гьарца ишираву чалачигу байсса бивкиссар цуппа цила даву ххаллилу килсса пишакар, хьхьичунсса специалист бушиву. Ванил ца медициналул дуняллий хьунмасса кьадрулий ва кьиматрай дуссар. Хилалгу дуссар диялсса хурматрал царду ва наградартту.

Оьрмулул юбилейгу барча дулла, ча тий буру жула лакрал миллатрал ва республикалул лайкьсса душнин чиярусса шуллусса шинну, цуцусса ххари-хьиншивуртту, тайлабацуртту.

**Карашрал жьмат, дустал, гьалмахтал**

Ванил цила оьрмулул хьунмур бутла хас бувссар Дагъусттаннал медициналул аралун, чиярусса шиннардий зий бивкиссар Дагъусттан Республикалул Шулул-сагъшиву дурчаврил министерствалий

Ватан дуруччул Кьинилун хасну Махачкьалалив, Р. Хамзатовлул ицанийсса Национал библиотекалий, тиртунни Республикалул форум-фестиваль ва «Памяти Героев России» тисса фотовыставка. Вайннул сакиншинначину бия Республикалул Халкьуннал творчестволул кьатта.

## Аьрасатнал вирттаварал аьпалун

Форумрал лагрулий февральданул 19-ний 23-нийн биянин жулла республикалул циньраду муниципалитетирттай хьунтиссар дагъусттанлувтуран-Аьрасатнал Вирттаваран хас дурсса батлауртту. Вайннуй цимилгу кичи лагантиссар Махаммад Нурбахандовлул, Нурмахаммад Хажимахаммадовлул, Асадулла Абачевлул, Анвар Набиевлул, Михаил Абраменкол, Тамирлан АбуТалимовлул, Залибек Умаевлул, Шамил Махаммадовлул, Руслан Кьурбановлул, Исрапил Махаммадовлул царду.

Форум-фестиваль титлатисса батлаварий гьуртту хьна Дагъусттаннал культуралул министр Зарема Буттаева, Республикалул Халкьуннал творчестволул кьатлул директор Марита Мухадова, «Союз женщин Дагестана» ДРОО-лул председатель Интизар Мамутаева, Дагъусттаннал Национал политикалул министрвалул отделданул хьунмур Хасайбат Валиева, Дагъусттаннал Жабилтурал министрвалулчисса Дагъусттаннал патриотический центрданул директор Рамазан Махаммадов ва цаймигу.



Зарема Буттаева

Официал бутла кьуртал хьуну махь республикалул творчестволул коллективирттал ва таксса балайчигурал шаллу бунна ватандалухасса балайрду, дурккуна назмурду.

Республикалул Халкьуннал творчестволул кьатлул ва Боевой славалул В.В. Макаровал ицанийсса музейрал хладур дурсса фотовыставкалий дия СВО-рал гьурттучигурал 50-нийн лирчусса суратру.

**Бадрижамал АБЛИЕВА**

## Ватан дуруччул Кьинилун хасну

## Ватан дуручлай буссар хлакинталгу

Инсаннаша цалла Ватан дуруччин бюхлай бур личи-личину: цлакьсса килшивурттайну, личи-личисса пишардавусса ккаккирттайну ва м.д. Кундиннал шяравасса анестезиолог-реаниматолог Хьунбуттаев Барат Махаммадуларснал Ватан дуручлай ур хасьсса аьралий операциялул зоналий хлакинтал кьай-кьуй канихьну, бакравусса куртисса килшивурттайну ва усттарну зузи дурсса каруннайну. Ттигьанну Барат, Аьрасатнал Федерациялул президент Владимир Путиннул Указрайн буну, лайкь хьунни Пироговлул ордендалун, ларайсса пишакаршивурхлу ва экстремал шартгирдай кьашайшалтран кумаг буллалавирхлу.

Барат увну ур 1966-ку шинал Кундиннал шяраву Хьунбуттаев Махаммадул ва Патиматлул кулпатраву. Махь вайннал кулпат яхьанай бивкун бур Дянивмур Азиянаву. Баратлул 1-мур классрава 3-нивун диянинсса дуккаву дурну дур Узбакнаву, Кашкадарьинскал областрайсса Гузар шагьрулул дянивмур даражалул школалий. Буттал шяравун зана хьуну, 4-мур классрая тийнайсса дуккаву дурну дур Кундиннал дянивмур даражалул школалий. Школа кьуртал бувсса 1983 шинал увхун ур Дагъусттаннал паччахьлугьрал медициналул институтравун, лечебно-профилактический факультетрайн. 1989-ку шинал вагу кьуртал буну, анестезиологиялул-реанимациялул ца шинайсса ординатура бувкуну



**Барат Хьунбуттаев Кьабардин-Балкьарнал Республикалул бакчи Казбек Кокволуцал**

бур Орел шагьрулий.

Барат Хьунбуттаевлул захматрал ххуллу байбихьуссар 1990-ку шинал Лакрал райондалул больницалий. Шикку ва зий ивкиссар анестезиолог-реаниматологуну ва терапевтический отделениялул хьунману.

1995-ку шинал Барат кулпатрашал ивзссар Кьабардин-Балкьарнаву, зун ивкиссар Чегем шагьрулий Чегемский райондалул хьунмур азарханалий. Мукуна зий ивкиссар Кьабардин-Балкьарнал Республикалул оьрчал азарханалийгу.

2006-ку шинал Барат увцуну ур КБЦМК-лул (Кабардино-Балкарский центр медицины катастроф) ГАР ММОСН-райн (группа ан-реанимации Мобильного медицинского отряда специального назначения). Кира шинаву ивтун ур ММОСН-рал начальнику. 2012-ку шинал турча, Кьабардин-Балкьарнал цулул-сагъшиву ду-

руччаврил министрнал хкумулийн буну, ивтун ур ММОСН-рал директорнал оператив даврил хьиривчуну. Хлакинтугу Барат Махаммадович зий ур ва кьуллугьрай. Чув зурчангу, Баратлул хурматту, бусраву коллективравугу, кьашайшалтрачагу, шяраваллил жьматрачагу лавайссар.

Баратлул кулпат Иринагу хлакин-эндокринолог бур, зий бур Нальчикрай. Вайннал дянив хьуну бур кива душ ва ца арс, бур душнил душ ва душнил арс. Килчинмур душнилгу язи бувгьуну бур буттал ва ниттил пиша, ва зий бур Нальчик шагьрулул оьрчал поликлиникалий лор-хлакину.

Ватан дуруччул Кьини барчагу тий Барат Махаммадовичлухь ва ва кунмасса цаймигу чиваркуннахь, учин ччай бур: зун зулла Ватан ххиривчуну ккаккан дуллан багьаннав марцисса някисса ссавнилу паракьатну буллалисса захматрайну!

**Бадрижамал АБЛИЕВА**

## Лакрал литературалул секциялул батлаву хьунни

Февраль зурул 20-ний Дагъусттаннал Чичултрал союзрай хьунни лакрал литературалул секциялул заседание. Ва цусса шин дайди-хьунни мукьах цалчисса заседание хьанай дур.



Секциялул каялувчи Супиян Оьмаровлул бувсуна гьашину цукукунсса мероприятияртту дуван дакний буссарив. «Дагъусттаннал халкьуннал чичу Мирза Давьдовлул 85 шин хьанхьиссар. Жура ванал юбилей лайкьсса даражалый тайла дуккан аьркинссар. Гьашину лакрал цаймигу чичултрал юбилейрду дур. Вай Лакрал театрдануш, Поэзиялул театрдануш ва Миллатрал библиотекалауш, лак директорталну зузисса школардаш ултукьну дувантиссар. Цуманал юбилей чув дуван дурив бази буллалисса программа цакь дувану. Чара бакьа Лаккуйгу дувантиссар вай юбилейрдацун дархусса чири-хьунсса меропри-

ятияртту», – увкуна ванал.

Бувсуна Супияннул Дагъусттаннал чичултрал справочникгу цу буккан бунан хладур буллаи бушиву, ялун бувксса чичултту Союзравун кьамул бунантисшиву. Заседаниялий гьуртту хьунни кичи ларгсса Союзрал каялувчи Марина Колобакинагу (Ахмедова). Ванил бувсуна, чумуцун дархусса захматшивурттагу кьабурувгун, Союзрал даву ххуйсса даражалийн гьаз дувансса ххулурдах-чараннахь луглай бушиву, Дагъусттаннал хьуннама Сергей Меликовгу литературалулу, мазрлугу бучантисмуний дакциуцлаву дусса ушиву. «Дагъусттаннал паччахьлугьрал премиялийн так оьрус мазрайсса лу-

тирду ккаккан буллалаврийну тайладакьашиву кьадиканшиврул, жу хларачат буллаи буру миллатрал мазрайсса лугтирдугу личину ккаккан буллалисса хкуму цакь бан. На нава оьрус миллатрал инсан бухурчагу, куртину миллатирттал литературалул вилаххав бувхсса инсанна, миллатрал литература гьаз дуваврил ххуллий хларачатту булантиссар», – увкуна ванил.

«Чявусса инсантал, ниттил мазрайсса литература чув лякьин хьунтиссар тий, цухлан биклай. Миллатирттал мазурдийсса лугтирду бахлахисса туган чара бакьа аьркин багьлай бур, мунил ялувгу пикри бан аьркинни. Литературалул журналлал подписка лашинсса даражалийсса хьунни. Районнал хьуниминаш хьуннабавчуну, цукунсса тагьар дуссарив бувчун бан аьркинни, миннангу, цайминнангу бувчун хьуйи лакку мазрайсса журналлу бучан буллан, тлав буллан аьркиншиву, жулла рувханийсса хьуслингу кану лякьин аьркиншиву», – увкуна Мирза Давьдовлул.

Сукку бунна лакку мазрай чичаврил гьунар бусса жагьилталгу чялишну секциялул, союзрал давривух хла буххан буваву мурадрайсса масьаларттугу. Агьамсса суалу гьаз буллалисса ихтиларту бунна халкьуннал чичултрал Мирза Давьдовлул, Руслан Башаевлул ва Хизри Илиясовлул, Аьрасатнал Чичултрал союзрал членгурал Булбул Оьмариевал ва Бахтун Гьазиевал.

**Патимат РАМАЗАНОВА**



Адабиятлар  
лаҳини

## МУРКЪИЛИНАХЪАЛ ХИАЖИ

### Ниттил маз

Нагъмурдал назсса чуну  
Ниттил зумату баллай,  
Ниттил наклийшал архал  
Обтту-ттурчавун бухлай,

Ляхъунни, хласул хунни  
Ттул дакниву ниттил маз,  
Ляхъайсса кунна килуши,  
Ляхъайсса кунна адав.

Ляхъын бунни ттун ниттил  
Ттиркюкбал пар бу махъру,  
Ляхъайсса кунна ххалуи,  
Ца-цаних тий, кюрчантру.

Ляхъан бунни дакниву  
Пасихшиврул чирахъру,  
Ляхъайсса кунма хъбувай  
Ссавруннай чаннашуртти.

Агъ, ниттил маз, вил цанил  
Марцшиву, гъилишиву,  
Ужагърай лархъсса цуну  
Вил лишанну яданна.

Инархха ттун дуллуца  
Ххира буттал чувшиву,  
Зума нахъуца ниттил  
Хъиншиву, чумартшиву.

Ина ттулла, ниттил маз,  
Ттул кашира, ттула гужра,  
Шадний чайсса балайра,  
Къуманий чайсса угъра.

Ина ларгсса кънира,  
Буттал буттахъал чуну,  
Ттул оърчал жавгардаву  
Пар тисса цусса чунна.

Вил балай баллалийни  
Ттул багъру ттутайх бичай,  
Вил хъярчилар хъяхъарий  
Гъарзад хъий чалан диклай.

Агъ, ниттил маз, вил цанил  
Марцшиву, гъилишиву  
Ужагърай лархъсса цуну  
Вил лишанну яданна.

## МИРЗА МАХИАНМАДОВ

Уссияв на шугълурдай  
Ца зунтул шаращуча,  
Сийлий бакъа бурхха тий  
Лакку маз арсаврача.  
Щаращул щинал жюрлил  
Цакуну щачин увра –  
Лакку мазрай гъалгъа тий  
Щаращул шуршу бия.

## МАХИАММАД-ЗАГЪИД АМИНОВ

### Ниттил маз

Абадссар аьршарай урттул маз – шуршу,  
Абадссар мукунма щинал маз – чяр-чяр.  
Ттул ниттил маз ттурча –  
нахъуца жоржу –  
Гъунттийнин бухлавун,  
бат хъунтиссар тар.

Къавкъсса чанпив кунма мурхирдаяту,  
КъатI учинтиссар тар ттул ниттил махъру,  
Агъ, на миннулъавхха гъаз увсса щяту,  
Мирихха ттул дакнил мяъна ва хъару!

Бусансса махъ бакъа, на чунна иян?  
Махъ-яхха буттахъал къабивтсса дакнин,  
Ци миллатраясса унугу инсан,  
Ас бусса ухурча, ганахъ УССАЙ чин.

## Ниттил мазурдил Къинилун хасну



Бивзрув-бурув кувкун на лакку мазрай,  
Къалякъинтиссарив жаваб дулунма?  
На ттула оърчлахъгу,  
бахъ-бухъ тий, ацлай,  
Киссурттахрав буслан,  
къюкиссаннахъ кунма?

Ниттил мазрах мякъсса ва ттул дакнива  
Къамул бува, аьрший, миннат-шикаят:  
Маз къакуллсса шатрал увкуну ччива,  
Ттула маз къакуллсса арсеру ляхъаяр!

На аьттий акъара. Зумувсса мазрайх  
Чила ритгарчагу, ци байссар мукъал?  
Та вев учирчагу на ниттил мазрай,  
Жаваб дулунтиссар азгъунсса зунттал!

## ЮСУП ХАППАЛАЕВ

### Мааъз тий ур

Зунттал шяраву увсса,  
Шагърулий хъуна хъусса  
Зунттал чув жагъил Мааъз  
Тий ур: «Ччивахха ляхъын,  
Ссай ляхъыви ниттил маз?»

На учав: – Дус, ххирама!  
Му захматсса зат бакъар...  
Килулив, жула буттахъал,  
ХилтИлул лагай чумал,  
Мазру ляхъхайсса бивкиссар  
Бахътта, бурттий, ххулийх най...

Къюссух луглай, гъурбатрай  
Шинну дайсса диркнугу,  
Заргалнал, дувссичинал,  
Харратнал ва дургалнал  
Хъамабитан къабувссар  
Ниттил маз хилтИлулнал...

Чаллил дай чумал къурув,  
Щюлли маршурдайн укку,  
Лухчинияту ссавнийн  
Ссалам лавсун гъаз хъусса  
Верчичулул санаьрал  
Мяъна дурчайрив ххал да!

Хухчалтрал яттикъушайн,  
Дааьин, зунттавул насу,  
Лаччи, ххункI, ини ва вит  
Буки миннашал архал,  
Табиаьтрал гъайбатрал  
Савда къаарав ххал ба!

Оърчуру шанаша буллай,  
Канттугу гуркку буллай  
Лулурбайти ниттихъал  
Балайрах вичи диша,  
Гай мукъурттил дакнийн щихъ  
Къабюххайрив ххал бува.

Кинттул дуссук бавтI хъхурдай  
Вичи диша бавахъал,  
Ттаттахъал чай балайрах,

Акъилтурал мукъурттих –  
Магърах ва лувлякъурдах...

Му чумал, ттул дус, Мааъз,  
Ляхъинтиссар ниттил маз,  
Ччан хъунтиссар зунттал халкъ.  
Вийвагу бишунтиссар  
Лиххан бан къабюхъайсса  
Ччаврил мугъру вай зунттал!

## АБАЧАРА ХИУСАЙНАЕВ

### Лакку маз

Ляличину нахъурхха  
Зунттал уртту-ттулал къанкъ:  
Диклайча ца тлаанну  
Лакку мазрава ришлан.

Лакку мазрал чурдаву  
Лакку бургъил чани бур,  
КIа бургъил гъилишиву  
КIа лакку мазрава дур.

Бурча маз авадансса:  
Бусан шай учин ччимур.  
КIа аваданшивруву  
Щаращул жюржугу бур.

Мазру цинявппа ххуйссар,  
Ххуйссар ттул лакку мазгу.  
Мазру циняв пасихиссар,  
Пасихиссар лакку мазгу.

Ляхъхьяра пасихину  
Гъалгъа тун лакку мазрай:  
Душманнашал – къанкъану,  
Дустурашал – адаврай.

## БАДАВИ РАМАЗАНОВ

\*\*\*

Хъхъирил зуманищух  
Нажагъ ачирча,  
Хъхъирил шатал чурдах  
Вичи диширча,  
Гива баллан биклай  
Аъзизсса балай,  
Аъзиз буттал кIанай  
Щаращал чайсса.

## АБДУЛ МИРЗАЕВ

### Ниттил маз

Ниттил маз...  
Ттун кулсса маз...  
Маз чивисса миллатрал,  
Цимигу бара уссар.  
Ина ттун ххирашиврул,  
Цалчинма бара – Нину,  
Ина ттун ляхъын бивсса,  
Килчинма бара – балай,  
Ттула дакнил учайсса.

Дуллан икIара хIисав  
Вил лавгсса оьрмулугу,  
Дакнийн бутлан икIара  
Вил бакIрачIан бувкIмургу.  
Щуну дур къуннагъ вийнгу  
Вил ца ххит дуккан дуван,  
Бувну бивкIун бур чIира  
Вил оьрму дуснакъ буван.  
Цайми мазурдин кунма,  
Вин чансса къаккавкунни,  
Циксса ккаклай бунугу,  
Къюкыла къадуркIунни.  
Ина дуснайн дус кунни,  
Душманнайн душман кунни,  
Инава маз бушиву  
Гъарцаннан бувчин бунни!

## САЛИМАТ КЪУРБАНОВА

### Агъ, лакку маз, НИТТИЛ МАЗ

Агъ, лакку маз, ниттил маз,  
Вил тлааншиву циири,

Караматсса рангирдай  
Пар-партIи ссурулкурттай.

ЯхI бусса буттахъая  
Бивсса мусил ххазинай,  
Къуват бусса арсаврал  
Бюхтулну гъаз був къалай.

Вил гъану чарвитулли,  
Лекъан бан къашайссари,  
Чаннан дарцIан дай цIарай  
БавцIуну бувтIуссара.

Му талихI бусса мазрай  
На гъарца даву дурссар,  
Бюххансса балай куусар,  
Шад шеьрирду чивчуссар.

Я ттул оьрмулук аят,  
Ина чивиссар щил тар?  
Жулаксса щили бусса  
ЦIарду бюхттулсса вирттал.

Муртазааьлил мазри,  
Чаннан кунма къанкъасса.  
ПартIу-ПатIимал махъри,  
Щараяргу кIирисса.

Жул виртталгу чIявуссар  
Дунияллийх ца ларгсса,  
Хъамигурив къачанссар  
Обттуву цIу ляхълайсса.

Лакрал улклуй буну тий  
Щурттагар лархъсса миллат,  
Лакку мазрал антенна  
Щурттагар гъалгъатIи дурссар.

## РУСЛАН БАШАЕВ

### Аьжаивсса ххирашиву

Куматусса СалихIатлун

– Вин ци ххира?  
– Лакку мазрай гъалгъа тIун,  
(Ихтилатрава)

Му ххирашиврул  
Аьжаившиву  
Винна кIулния,  
Ина ттухъ мукун  
Къаучинссия.  
Вил му жуаврал  
Ттуву загъир дансса  
ХIучI-ххаришиву  
Вин дурчIуния,  
Ина ттухъ му жуав  
Къадуванссия.

Да, инсантал, ва циири?  
Ва ци махIатталшивур?  
Ниттил маз ххирашиву,  
ТитIала кунма,  
Буслан багъарча,  
Ва чун нанисса затри?  
Ва ци къисматри?

И  
Агъ, лугъат исвагъисса  
ВицIхъиял махIаллул душ,  
Вил мазрал салихIшиву  
СсалчIав лиян къаданнав.

«Учи»: лакку маз ххира,  
«Учи», баччибакъарча,  
Так ххирашиврул мяъна  
Мадара ттуву дайкъин!»

Булухъху, ххирай, Лаккуйин,  
Булухъху нажагъвагу:  
Билагъ, вил шаттиралу  
Къахъунссар Мурзуххулу.

Бава ххари даншиврул,  
Утта хIаллугу бити.  
Мурад ттунгу булун бан,  
Лакку мазгу булуси!



## Ватан дуруччул Кьинилун хасну

ЮСУП ХАППАЛАЕВ

## Ххуллукъин баннав

Най ухьурчан, вин ххуллукъин баннав,  
Ттул дакту вин даим гьалмахчув хьуннав.  
На ялугъланна ххувшаврих ва вих,  
На къахъунна виин гьич тачлава хаин!

Хъху-къини на ина дакниин бикланна,  
Хъху-къини вин шайсса на кумаг банна.  
Ина акъашиву на ктул къабанна,  
На къахъунна виин гьич тачлава хаин!

Замгьарданувугу на дакниин бути,  
Щарал вив агънийгу на дакниин бути,  
Къия ххи хъунийгу на дакниин бути,  
На къахъунна виин гьич тачлава хаин!

Нажагъ нигъ гъан хъуну, дакI щах учирчан,  
Нажагъ душманнайну дакI хучI учирчан,  
Нажагъ бивктул хъхичI тиликI рутарчан,  
Ктулша, вин хIарамссар нагу, Ватангу!

Вин ххуллукъиндаран – буттал мисри тур,  
Вин ххуллукъиндаран – лахъ зунтгал дургал,  
Вин ххуллукъиндаран – ттул дакту вищал,  
Къув-абслива ина ххувшаву ласи!

Най ухьурчан, вин ххуллукъин баннав,  
Ххувшаврил цукугу гьалмахчув хьуннав,  
На ялугъланна ххувшаврих ва вих,  
На къахъунна виин гьич тачлава хаин!

МУРКЪИЛИНАХЪАЛ  
ХИАЖИ

## Виричув

Баргъ ссавний буссаксса  
Чани гъан буллаи,  
Къашайссар лухи-цан  
Чанна дуниял.

Барз ссавний буссаксса  
Щурттаву пар тий,  
Къашайссар хъхугу цан,  
Ттурлу дунугу.

Дуссаксса аьрщарай  
Инсаннал инсап,  
Лагъгу къахъунтиссар  
Цаягу инсан.

Дуссар дунияллий  
Ккулагу, цугу,  
Амма ми дух дайсса  
Буссар виртгалгу.

АБАКАР МУДУНОВ

## Ххуллукъин

Лухччи тугъах дунура,  
Цанни ссав аьрахайсса,  
Дахъва хъатлавух буна,  
Цанни аьрххи аьрайнсса?

Най бур аьраин жагьилгал,  
Аьраххулу бугъуну,  
Шала шарнил жяматгу  
Гай тлайла буккан бугкун.

Кув бур аьтлий, кув жап тий,  
Ххуллукъин буваннав тий,  
Кувгу ххуллукъиндаран  
Ччергьилттухун балай тий.

Дакту дачIра хьуннинна  
Дучрал хуху увкуна,  
Гайннул гонгутгал чурдал  
Бачайшиву буссуна.

Ссавруннайсса ттурлукIа  
Дукъаннин бургьил хъхичIа,  
Лакрал жагъи-жугьулнал  
Къяпри галай бувуна.



Ца акъа-акъа арснал  
«Дадай, барчаллагъ», – кувкун,  
Ниттил кирисса мукъал  
Аьрши ччуччин дуруна.

«Заннайн аманат», – куну,  
Гъан увуна арс аьраин,  
Ватан ттурча, аманат  
Дуруна цила арснаин.

МИРЗА МАХИАНМАДОВ

## Оьрму

Оьрмулул нуз тиртуну,  
На хьуллукъин уххайхту,  
Гъан багъуна дьавилийн  
Талан так оьрмулухлу.  
Оьрмулухлу, инсаннан  
Бувагу цал булайсса,  
Оьрмулухлу, дахъа ттун  
Цил тин-тлааьн ктул хьусса.

Ттул дарвачирайх ришлай,  
Най ия душман гужну,  
Ник рижун дан къастирай  
Ватан ва тархъаншиву.  
Дакъая къаучинна  
Рирщумур цун къахъанай,  
Угъ тий дия аьршира,  
Душманнал ккуччу дуллаи.

Гьич ниттил ккукку кунна  
Дурвавли нахусса зат?  
Гьич тархъаншиву кунна  
Дурвавли ххирасса зат?  
Ватан мютти шайххивав  
Муххайн ягу ккуллардайн,  
Тархъаншив дагъайххивав  
Зулмулул хъхичI никирттайн?!

Гъаз хъуна буттал улкулл  
Щалвава агълу-авлад, –  
Ливхъуна жул оьрмулул  
БакI къукъин ччисса жаллад.

Ливхъуна, щаххандарай,  
Никъурал хъхъа буцанца.  
Оьрму бия хъирих най  
Ххувшаврил ттугъ бицунца.

Чивчуссар ттул ккуллардах  
Оьрму уттавашиву,  
Дирчан къашайшив турлих  
Халкъуннал тархъаншиву.  
Чивчуссар оьттух нагу,  
Дунияллул ктул буллаи  
ХIакъсса, уздансса оьрму  
Бушиву ттул аьрщарай.

БАДАВИ РАМАЗАНОВ

## Урша гъавгъ душ

Ттул дуснал яруннил жавгьарду бакъар,  
Мудан ганал хъхичIух дур цаннал пардав,  
Щаивкун шугътурдай гъан дай кьинирду,  
Ягу занан иклай аьсаврал хъирих.

Хъунаавкънал цахъва «ивзрав» учирча,  
Ка дугъан титтин дай хъхичIуннай кару.  
КичIиравух найни, чару бахчирча,  
Чулинмай палц бувай, аьсав къуч дурну.

Ганал чиви оьрчIгу карав увцуну,  
Цал-цал шаякIара на ганал чIарав,  
Яла, ганал кунма яру лавкъуну,  
Лагара оьрчIнийсса оьрмулул хъирих.

Ттул ккаккай чIаххувьорчI  
бярнил ккурккайсса,  
ТпартIсса хIажакрава никру чIалайсса,  
Ккаккай урша гъавгъун аьтIисса душгу,  
Душнин къаши дуллаи къавтIисса оьрчIгу.

Ккаккай кичIираву, маразгу бавхIун,  
Ттула дус личIулуну пагъламан лахълай,  
Ягу чарттаракIи кIунттил бугъуну,  
Левххун нани хъатIу бивтун щяв бутлай.

Ттул ккаккай учкъула, оьрчIру, тIуркIурду,  
Мужаллатру тIартIсса жула луттирду,  
Цунил дакниин багъай парталул цаний  
Дус ва нава бивсса, сумкарду бишлай.

Амма ляличIину дакниин дур къини  
АцIилчинсса класс бачIвану ливчIсса,  
Жула дус фронтраин нанисса къини,  
Жагьилтурал дуриун, пургъун нанисса.

Арснахъ ххуллукъин тий дия нинугу,  
Шавхъсса ккунукургу бугъун кIунттиву.  
Урша гъавгъсса душгу ккакккуна гикку,  
Каршул къатта бихълай ганал жибливу.

Ганияту мукъах ттун ккаккккуну  
Ттул дуснал шанна шин фронтрай дурна.  
Яла аьсаврашчал занан хъуну,  
Щарнил агълу ганан чIуний бугъуна.

Так цала ниттил чIу ганан къабавна, –  
Ттул дус зана хъуннин га къалирчIуна.  
Урша гъавгъ душнишал архIал лавгуну,  
Ххал дурна ниттил гъав, канил ках дурну.

Цанагу ттул дус ур канил ках-шах тий,  
Цала арснал сипат цукунсса дурив.  
Бунугу къатлуву чирахъ пар-пар тий,  
Ганал хъхичIух гара дур цаннал пардав.

Арулла нааьна аски душманнайн,  
Ттул дуснайн га къини цал дуккан дурсса.  
Арулва барчаллагъ урша гъавгъ душнин,  
Дуснайн къини дуркни, чIарав бавцIисса.

МАХИАММАД-ЗАГЪИД  
АМИНОВ«Ттул Нину» тIисса  
поэмалува

ЧIун архIал оьрчIавух тIуркIу тий уна,  
Пар куну лавгунни оьрчIшиврул гьантри.  
Лултту дирзсса мучIал дурухлу кунна,  
ЛирчIунни дакниву кьурчIисса ттангъри.

Циваннив агъу тий, на ххира айвав  
Бургьилу щядиркIисса чIаххуврал къарил.

Адабиятфал  
лаъмин

Ттул ччяни дурчIуна гай мукъал савав:  
Ятин ххира айсса ивкIун ур ганил.

Ятин! Бутта акъу. Царив, кIиярив?  
Ци тахсир хъуссар ттул, на ятин уван?  
Агъ, къабучIиссияв ва дунияллий  
Жулгу ппухъру буну, жугу шадну хъян?

Ттуршя буг чугу хъюву къабивтун,  
Ларгунни оьрчIшиву хъув чIаллу батлан.  
Къавкъ ччатIул парчагу хъуву лавивтун,  
Ларгунни маршраву бярч канаки бан.

Чунна тий, чунна тий,  
оьрчIшиврух цIухлай,  
Къапулухун увккун, мюршну я битав:  
ДарцIуну дур нину, хъирих дуруглай,  
Мукъал ккузригу бур ххарисса иттав.

Ххарину дур нину, на хъуна хъанай –  
ОьчIарарайн чIила шун дуранугу.  
Пашманну дур нину, на хъуна хъанай,  
Ппу лавгсса дьавилул чIу бухлавгнугу!

САЛИМАТ КЪУРБАНОВА

Махъва-махъсса  
чагъар

БувкIуна ттулчан чагъар,  
Дуснал канил чивчусса –  
Та дьавилул цIарава  
Чичинсса чIунгу чаяв?

Чагъар канил бугъукун,  
ДакI вас-щахлил дуриунуна  
Вас-щах тийнма нанисса  
Оьрмулул бьявкъу гъантрай.

На му чагъар ябував,  
ДакIнил улттул бивхъуну,  
Мусил ашрапи кунма,  
Хъувух бугтуну занай.

Цимирагу шин дував,  
Ялугълай, хъул къаличIлай,  
ХIалу дакъа даврий зий,  
ЧIун дакъа ухъунссар тий.

Чув уракъай, чув ура,  
Ттул дакI чанна дай чирахъ,  
Духкъалагай дардирдал  
Ва ттурлугу ттул дуртун?

Вил чагъаргу канихъну  
Бувкра, дус, на чулданийн,  
Къювулул дургъу дакIу  
Хъяппува чIувин дурну.

На цукун зана хъува  
Ххира буттал шяравун,  
МицI хъару мусил барзу  
ЧувчIав лякъин къашай тий?

Бивра Украиннайну,  
Бувкра Къиримнавуху,  
Та Беларусь аьрщарай  
Лякъав, ахиргу, аьш-бакI.

Бюхттул гъайкалгу – бакIрацI,  
Лекъашай цугу – ччаннацI,  
КIа цIараву пар-пар тий –  
Вилмур цIагу, цIа ххуйма.

Га вин дацIан дурнавав,  
Вил дустуран дурнавав?  
Чувшиврул чаннацIуку  
БакIрай пперха тий бия.

Шиччаявав га чагъар  
Дуснал канил чивчусса?  
Чичинсса чIунгу чаяв  
Га дьавилул цIарава?



**Вай гъантрай «Новострой» «Дирекциялуд» кьатраву хьунни лак цусса миналийн бизан баврил ва муниципун бавхусса масьалартгал хлакьиравусса хунабакъаву. Ттурчиял жяматрал вакилтал бивкун бия лакрал миллат цусса миналийн бизан баврил ва Аухуллал район цу дуккан даврил масьалартгал буллалисса ДР-луд Хукуматрал Управлени-ялуд хунама Махаммад-Хажидиевлуд хунабакъин. Вайнал гъаз буллалисса масьалартту так ца Ттурчиял жяматрайн бакъассагу, шалагу Цуссалакрал райондалул агъалинайн багълагъисса бия.**

**Гъарицагу шикку гъаз бувсса, цала биялдарайсса масьаларттан балжисса жавабру дуллун Махаммад-Хажидиевлуд.**

- Дагъусттаннал халкъуннал депутатътурал шамилчинмур съездра хукуму къамул бувну ва репрессиярдахъхун биривсса халкъуннал реабилитациялуд хлакьиравусса закон зузи дурну 30 шин хьунни. Ва чумул дънив сакин хьусса цу-цусса кулпатирттангу кьатри бан аьркинни. Цуминнахъ дуссар микку кьатри тлава дансса ихтияр? Ссайн бивну буссар му масьала?

- Цуну бувсса кулпатирттан цусса миналий кьатри даврил масьала шинчав зарал къахъунсса кушуй шаллу бан хларачат бувсар жу. Цила чумал нагу, ДР-луд Халкъуннал Мажлисрал депутат Зайнуллаг Мирзоев республикалуд бакчи Рамзан Аьвдуллатиповлуин буккун, ва масьала жула халкъуннал къулайну шаллу бувсар.

- Пулансса инсан цусса миналий дуресса кьатравун цала кулпатрашал, оьрчлашал ивзун ухьурчан, ивзун махъ арсенал шар дуцирчан, мунал дагълагъиссарив кьатри?

- Къадагълагъиссар. Агана арсенал нитти-буттан кьатри даннин дурцуну диктессания шарсса, сияхравун нину-ппугу, арсгу багъантиссия. 2023 шинал декабрь зуруй хьусса комиссиялуд махъра-махъсса заседаниялий жу цакъ дарду кьатри дулун багълагъисса, Цуссалакрал шяравасса цуну хьусса 44 кулпатрал сиях. Вай цуну хьусса кулпатру багълагъиссар сияхравун, вайннал шар дудиннин нитти-буттан кьатри къадурну диркун тий.

- Кийи лаган, цуминалий кьатри дурну махъ шар дурцусса инсантуран райондалий дулла бур аьрши. Вай инсантал бизан баврил сияхравун къабагълай тий, райондалул администрациялуд укунсса хукуму бувну бур.

- Агана Цуссалакрал райондалиясса инсан шикку ялапар хъанай акъахурчан, прописка дукъану, му кьатри дулун ккаккан бувминнал сияхравун къабагълагъиссар. Му тул биялдарайсса иш бакъар.

- Нагу даки ций уссара жула агъалинай, ттун шиннигару ххуйну бувчлай бур вайннал бурюкинту. Хукуматрал бизан баву лахъи лаган даву цуссалакрал агъулданыйсса тахсир бакъар.

- Кьатри дулаврил хлакьиравусса хъхъичисса постановленилий ккаккан дурну диркиссар 1991 шинал сентябрь зуруйн бияннинсса чун. Цусса шинавун буххансса шанма зурулшиврий цаппара кулпатру му сияхравун

Агъамсса масъала

# Бизан баврицун бавхусса масъалартту гъаз бунни



къабагъну личлай бия. Аьпа баннав, Амучи Михайловичлуд хларачатрайн бувну, постановленилу дахханашивуртту дурну мукъва барз ххисала бувсар, кла чун 1992 шинал январь зуруйн бияннин лахъи дурессар, вайнну къабагълай бивкисса кулпатру багъсар сияхравун.

- Цуссалакрал райондалий кьатри диркисса, Совет заманну чумалсса законну савану прописка дакъа ливчисса, мукунма нину-ппу ливтуну махъ, кьатта-къуш бутлурай бившиврул документру шаллу къабавусса инсантуран дагъайлур оьрчлан дулун аьркинни.

- Хукуматрал постановленилий ккаккан бувну бур бизан буллалиминнал сияхравун 1992 шинал январь зуруйннин цивпа заллусса кьатри думи бичин. Райондалул бакчисса чумал, нагу ДР-луд Халкъуннал Мажлисрал депутат Артур Исрапиловлулу Гъамияциял ва Цуссачурттанциял шярваллал масьалартгал ялув зузисса ппурттуву, хукуматрал комиссиялий тлава бувссия, репрессиярттахъхун биривминнал реабилитациялуд масьала шаллу баншиврул ва цуссалакрал агъулданул цала кьатри кьаританшиврул, вайннал цусса кьатри дара куну. Цана турча, мукъра шярвалу дизан даврил масьалартту шаллу буллалисса чумал, Остициялуд министерствалуд маслихат бунни, тлайла дакъашивуртту къахъуншиврул, документру мартрай цакъ бан бивтун, цалсса ми Росреестрданий бишин ва аьркин багъсса чумал тайннайн буккан.

- На уттигу хларачат банна кьатри къадулун куну, зана риртсса сияхравусса инсантуран кумаг бан. Мунияту, тавакъю бав ДР-луд Хукуматрал председателнал 1-ма хъиривчув Манвел Мажонцлудхъ цинярдагу зана дурсса деларду нарагу ххал дан дулуну ччива куну. Му предложение тлайлассар, къамул дангу аьркинссар тий Мажонцлуин увкунни Артур Исрапиловлу. Лякьинтиссар миннав кумаг бан хьунссагу инсантал. Ца-ца чумал, цидуну ца справкалулшиврий, аттестатрал копия бакъашиврийн бувну, отказ бувну лякъай. Ляхлавгсса документру лавсун бухъхьяра тий нава оьвтгий уна,

ургъил къадурну, сияхравун къабагъну ккаккун махъ, леххаврий буккай.

- Цаппарасса инсантуран отказ бувну ляхъунни, хъхъичисса документру цу буккан къабуну тий. Масала, хъхъичисса документирттай ца арсенал оьрчи ккаккан увну ивкхурча, утти шамукъа хьуну ур. Махъсса шиннардий хъхъичисса документру цу буккан бан багълай бур. Мартрай ахирданийнин ца комиссия ттигу бансса ихтияр ласав ва тавакъю бав хъхъичмур комиссиялуд протокол цакъ къабан, му сияхравун цаймигу кулпатру ххи бан хурчангу тисса пирилий. Хлатта Аьрасатнал Экономикалуд министрствалийн уттигу циксса кьатри дан дуссарив, ва ми дан циксса арцу аьркин дагълай дуссарив булласисса информация сентябрь зуруйн биян бан багълай бивкуну.

- Нину-ппу Цуссалакрал шярву ялапар хъанай бивкун бур, тай аьпалу хъхъун лавгун махъ, кьатри диркун дур, оьрчлур шярву ялапар хъанай бакъар. Дагъайсарив миннал кьатри?

- Къадагъайсар. Законодалул тлавашиннарайн бувну, кьатри дулуншиврул инсан, пропискагу дудивруцун, шярву ялапар хъанай иккан аьркинну бур.

- Цусса миналийн бизан буллалиминнал шикку кьатригу дуллуну, архала 1944 шинал махъ цала харжирах, цала захматрай дуресса кьатрахсса компенсация ва подъемныйгу дулун аьркинни.

- Тлайласса тлавашиннар тиссара. Нава райондалул бакчинусса чумал Хукуматрал хъуниминнал ттуйн тапшур бувна, жу компенсациялукъсса арцу дулунуца, кьатри зана даву анавар дуккан дува куну. Плангу ккаккан дурну дия шинал лажиндарай 300 къатта зана бансса. Му чумал жула агъалинахъхун миннал масьалартту чяни шаллу бансса махъ буллуссия. Вихшала дирхуну, кьатри кьариртесса инсантуран дагъаймур уттигу къадулунни. Ва масьалагу жунма ччисса кушуй шаллу хъуншиврул ялув бацан аьркинссару. Ларгсса шинал республикалуд бакчинашал хунаавкъусса чумал на ва масьалалуд хлакьираву ихтилат бувссия. Да-

гъусттаннал бакчи Сергей Меликовлул га цана тапшур бувна Хукуматрайн 50 млн арцул компенсациялун итабакъин. Жуца ми дулун къархунни, цанчирчан, арцу итадаркуну дия кьатрал хъхъичавасса багъа хисавравун лавсун. Утгисса Хукуматрал комиссиялийгу жу ххал биьгарду ва масьала. Юстициялуд, Имуществовалуд, Экономикалуд министрствардайн гъан барду ванил хлакьиравусса запрос. Ми циньяв кантурдая дуркунни жавабру. Утти жу цунилгу Хукуматрайн букру, кьатран кьимат чумул дахханашивуртту, инфляция хисавравун ларсун бишара тий. Ххал булла буссар кадастралуд ва рынокрал багъри. Кирагу вариантраву къулайссагу, къакулайссагу кантурду бур. Цумур цакъ хьунсарив къакулли, ци чулийгу, хъхъичва ккаккан бувминнуяр цуксса лавайсса багъа бишунтиссар.

- Реабилитациялуд ва бизан баврил комиссия бувну, бизан буллалисса сияхравун лавгъсса инсантурахъхун циньяр ихтиярдалласса документру буллуну, аьрши дулун, миннаша микку цанна аьркинмур дуллан (чапар дахтин, муьхьру бугълан ва м.ц.) хьуншиврул. Ми инсантурал сияхгу райондалул кказитрай ришун.

- Аьрши ва документру булавриву цукунчавасса дахшишру дакъассар. Ихтиярданул документру ласун МФЦ-лийн буккан аьркинссар. Миккун, аьрзагу чивчуну, паспортрал копиягу булурчан гъассар. Амма чапарду дуллан, муьхьру бугълан ва цайми давуртту дуллан къабучиссар, шярвусса строительствалуд давуртту наниссакъсса халлай, цанчирча, чарах нанисса техника савану, ци-бунугу хурчан, постановленилий къулбас дурма жавабрайн ушинтиссар. Выписка дулун къабухълай тий, бизан буллалиминнал биьгашиву шаву мурадрай, Хукуматрал комиссиягу бувну, цакъ хъуншиврул справка дулайссар.

- Гъарица кварталданий цуссалакрал жямат цусса миналийн бизан баврил хлакьиравусса комиссиялуд заседание дуллан. Комиссиялувун бичин дизан буллалисса шярваллал

вакилтал. Заседаниялуд хласиллу райондалул кказитрай аьлтту дан.

- Цичав захматсса бакъар. Аьркиншиву духьурчан бучир гьарца кварталданий батлангу.

- Къадагъа дишин Дагъусттаннал Халкъуннал Мажлисрал депутатътурал шамилчинмур съездра хукумулувун ва репрессиялу хъхъун биривсса халкъуннал реабилитациялуд хлакьиравусса закондалийн къабагълагъисса республикалуд цайми районнаясса инсантурахъхун аьрши дулаврин ва кьатри даврин.

- Му масьалалуд ялув шярваллал бакчитал цивпа бацан аьркинну чалай бур.

- Сакин бан щийнкуй хъар къахъанахъисса шярваллал жяматрал вакилталу бусса комиссия, шярваллаву дуллусса аьршарал ревизия бан. Даврил хласилла райондалул кказитрай бусан.

- Цуссалакрал райондалул бакчи Маматги Бижаевичлуд булласимунийн бувну, мукунсса комиссия, сакингу бувну, зий буссар. Амма мунил хласиллу цукунсса дуссарив къакулли.

- Бизан буллалиминнал кьаритлатисса кьатри ссан дацлай дуссарив цунилгу ххал дан. Кьатрал багъа бишун хлакьинусса рынокрал багърах бурувгун. Му даву тапшур дан республикалуд даражалийсса, щийнкуй хъар къашайсса хасъсса комиссиялийн. Комиссиялувун чара бакъа бувчин шярваллал жяматрал вакилтал.

- Бучир ми комиссиярттаву гъарица шярва ца-ца – кий-кия инсан утан. Цанасса комиссия махъва-махъсса биклан най бур. Ведомствардал дънивсса комиссиялуд, мунил хъиривсса Хукуматрал комиссиялуд заседаниялийнгу жу оьвчинну, баян банну. Цу гъан ансарив зува личи ара.

- Циньявпагу шикку гъаз хьусса масьалартгал хлакьираву бувчин бавуртту дурну махъ, Хажидиевлуд маслихат бувна Ттурчиял вакилтуран мартрай хунтисса ведомствалуд ва Хукуматрал комиссиялийн шаман инсан тлайла уккан. Сияхравун къабагъсса, отказ бувсса инсантурал масьалартту миккугу гъаз бан.

- «Райондалул бакчи Маматги Хамзатовлушалу хьунни ихтилатру цаппара категориялуд инсантал сияхравун къабагъаврил хлакьираву. Ми инсантал къабагълай бур хукуматрал постановленилий ккаккан бувсса пунктирдайн бувну. Тула пирилий, къабагълагъисса цаппара инсантал сияхравун багъаншиврул, кийи лавгсса постановленилува цаппарасса дахханашивуртту дан аьркинни. Му сипталий уккан аьркинни райондалул бакчи. Жува тиймур хьуну, дахханашивуртту дан буюьрчан, жула агъалинан хайр хьунссия», – увкуну Махаммад-Хажидиевлуд.

Адриана АБДУЛЛАЕВА  
Имара САИДОВА

## ДакИнин утанну

## ЧаннацІуку куна, пперхгу куну, лавгунни

Увну ур МахІанмада 1974-ку шинал Дубки поселокрай. 1991-ку шинал Буйнакскаллал 9-мур школагу лавайсса кьиматиртай кьуртал бувну, увхун ур Дагьусттаннал политехнический институтрал строительный факультетрайн. Дуклан гьира бусса, итххяхьсса, мяррипатрал увччусса жагьил чьяни ххира хьуну ур преподавательтуран.

1997-ку шинал хьхьичІунну кьуртал бувну бур институт. Зий ивкІун ур личИи-личИисса организациярттай. 2003-ку шинал МахІанмада Буйнакскаллал проектно-хозрасчетная организациялий зун увкІсса чІумал, ванил каялувчи Арсен Буттаев (лаккучув) хьинну рязину ивкІун ур ахиргу цала даву ххуйну кІулсса конструктор-проектировщик бакІрайн агъаврия. Укунсса пишакартал нажагьсар бикІайсса, МахІанмада учІаврийну, организациялун хьунмасса тІайлабацІу хьуссар тІун икІайсса ивкІун ур. Ххюра шинай микку зийгу ивкІун, 2008-ку шинал тІивтІуну бур «Перспектива» тІисса проекту дайсса цала бюро. МахІанмадал пишакаршиврул даражала, вана ххаллилсса проектирдая чьяни бавну бур, бюрорал сий гьаз хьуну дур, заказру чІяру хьуну дур.

МахІанмадал бюхьу-бажардания тІутІиний, буквасун кьабучІир вана мархрая. Мичча ирсирай бивсса бухьунссия вана тьунаргу. МахІанмадал буттал чулухассагу, ниттил чулухассагу агьлу-авладрай бюхьу-бажар бусса, хьхьичІунсса инсантал чансса кьабивкІун бур.

Ванал буттал ХІанапиналгу (ва оьрмул 33 шинаву дуняллия лавгун ур) цила чІумал Дагьусттаннал политехнический институт кьуртал бувну бур. Хьуннасса строительный участокрал каялувчину ивкІун ур. Давриву чІалачІи дурсса ххуйсса ккаккярттахлу личИи-личИисса наградарттан лайкь хьуну ур. Миннувах дур «За доблестный труд» медаль, «Дагьусттаннал строитель» тІисса лишан.

1970-ку шинардий, Щурагь аьрши сукку хьусса чІумал, ХІанапинал хьунмасса захІмат бивхьуну бур строительствалул давуртту дулла.

ЧІявучин бавссар, лакраву бакьассагу, дагьусттанлуvtурал дянниву сий дусса физикалул ва математикалул элмурдал кандидат, чичу Бутта Буттаевлу. ДакІиний бутан, вана ДакІиний медальлу даврил искусствалул гьану бивзсса. Бутта МахІанмадал ниттиуссур. Цама ниттиуссу Дагпотребсоюзрал председателна хьиривчуну ивкІсар чІярусса шиннардий. Ссу ХІалимат хІакин-невропатолог бур. Укунсса агьлу-авладрал арс ивкІун ур МахІанмада.

Гьирарай, гьавасрай дуллалисса давурттугу кьариртун, жагьилсса оьрмулулу личИи хьунни жуятува гьунар ххисса пишакар, иш бавчусса лаккучув. БяливчІунни вана ххаллилсса проекту.

Цинявпагу МахІанмада кІулминнан хьинну бювххунни вана бивкІу.

МахІанмада дакІиний утлай, укун буслай бур вана дустал ва даврил уртакьтал.

Ца-цасса инсантал кутІасса оьрмулийгу дай цала цІа кьадрукьиматрай, бусрав барчаллагьрай кьаритансса ххаллилсса давуртту. КІувурдал шяравасса ХІанапинал ва Назиматлул арс МахІанмада Мусалаев ия ляличИисса гьунарданул, бюхьу-бажарданул заллу. Ванал чумартшиврия, сахаватлушиврия кьатІурчагума, цала усттарсса проектирдай дурсса ххаллилсса кьатрайну абад бунни МахІанмадал цала аьпа. Ванал чумартшиврул бутІа кьабивсса чансса бухьунссия кІулминнаву, лагма-ялтгуминнаву. Ва ия цаманан кумаг бувну рахІат уккайсса хасиятрал инсан. Мажал бакьар кьаувкуну, га цІана увкІун, кумаг аьркинал чІарав ацІайва. Чурх-бакІгу, бюхьу-хьитту бусса МахІанмада, чувхьурчагу, чьяни итгалун агьайва. Дустуран ванаха чІалачІин дакьая. ЛяличИисса харизмалул инсан ия учай гьарицагу ва кІулну, ванацал ХІала-гьуртту ивкІнал. ЧаннацІуку куна пперхгу куну, инсантул дакІурдиву чаннасса асардугу кьабивтун, оьрмулия шакьаливхна лавгунни дуняллия МахІанмада. Кьавхьунни ххассал ан лавмартсса азардануша. Апрель зуруй ванан 50 шин хьунтІиссия.



А.И. Булгаков, кафедралул доцент:

– МахІанмада тарбия хьуну ия буттал буттахья шихуннай нанисса Дагьусттаннал халкьуннал аьдатру, багьу-бизу кьадрулий ябулалисса кулпатраву.

Цала бусласимунийн бувну, школа кьуртал бувну махь, Политехнический институтрал строительный факультетрайн ухан ччай ивкІун ур цанма ххирасса Буйнакск шагьрулул агьулданун авурсса кьатри дулланшиврул. Ванан хьинну бювххун, асар хьуну бур 1970-ку шинал Буйнакскалий аьрши сукку хьуну, шагьру лекьа-пьякьу шаврия маьча-гьаннал бусласисса хаварду. Институтраву вана язи бувгьуну бур «Промышленное и гражданское строительство» пиша. Цалчинсса гьантрайва унгу-унгуну дуккавривхун агьну ур. Институтраву ларьсса ххуйсса кІулушивуртту ванан цимилагу пишалул ххулий дучи ляркьуну дур. Дуккавривхун архІал ва институтрал жьаматийсса давурттаву ху чялишну гьуртту шайва. АрхІал дуклакминнал МахІанмадачансса хІурмат хьунмасса бия. Ва мундану дустурал вив лавсун икІайва.

На кІул хьуссара МахІанмадацал ва 4-5 курсирдай дуклакисса чІумал. Тул дарсирдах вана ляличИисса гьира бия. ТачІав занягиртту кьакьаритайва, мундану хІадурну учІайва, кьакІулмур цІухлан икІайва. Курсовой даву чичлалисса чІумал махьнин институтраву икІайва муниха зий, аьркинмур кІул булла. МахІанмадал хІадур байссия элмийсса докларду гьарица шинах институтраву шайсса элмулул ва практикалул конференциярттайн. Дипломрал

даву чичлалисса чІумал вана язи дургьна Лавашиял райондалийсса Мекеги шяраву спортрал комплекс баврил проект. Ванил каялувчи ия архитектуралул кафедралул хьунама Михаил Придаткин. Цана кума дакІиний бур, спорткомплекс бан ккаккан бусса клану бия хьинну захІматсса. Проект дуллалинийгу, гьай-гьай, му асар хьанай бия. Михаил Иосифович дакІ даркьуну ия МахІанмадай, рязину икІайва цала тІутІимуний ацІайсса, захІматшивуртга махьунай кьашайсса студентная. 1997-ку шинал МахІанмадал «Перспектива» тІисса проекту дайсса цала бюро тІивтІуна. Дуккаву кьуртал хьуну махьгу вана институтралсса, преподавательтурацалсса дахІаву руцан кьариртуна. Аьркиний маслихат ккаккан ттучІангу учІайссия. Республикалий цаппара кьатрал проекту дуллалисса чІумал, даврил хІакьи-хІисав дан нагу кІункІу айвав. ДакІ хьинсса, зат лаласун кІулсса МахІанмада ттун мундану дакІиний икІанссар. Лугьатсса пишлицалсса лажин уттигу хьхьичІ дарцІуну дур.

Сапийат ХІусманова, «Перспектива» ООО-лул хьунмур инженер:

– МахІанмада, ппугу чьяни ивкІуну, ниттил цилалу тарбия увсса оьрчІ ия. Ва ия гьарица ишраву жаваблывшина дусса, дуккавриву итххяхьсса жагьил. Хьуними классиртгаву учительтуран хІисав хьуну бур ва математикалул чулуха ляличИинува бюхьу бусса ушиву. Олимпиадарттай, гьуртту хьуну, мундан цалчинсса клантурду бугьайсса бивкІун бур. Школа лавайсса кьиматиртай кьуртал бувну

бур. МахІанмада ххирасса ивкІун ур учительтурану, архІал дуклакминнану. 2001-2002 шиннардий Дагьусттаннал Экономикалул министрствалул баян бусса, халкьуннал хозяйстварттал организациярдансса каялувчитал хІадур байсса пишакартал язи бугьансса паччахІугьрал программалул лагрулийсса конкурсрай ххув хьуну, менеджментнал пиша лахьхьин кьамул увна Дагьусттаннал халкьуннал хозяйствалул институтраву. Мугу МахІанмадал лавайсса даражаллий кьуртал бувна.

Ва ия «Перспектива» ООО-лул генеральный директор. Жу ванайн президент чайссия. Хьинсса дусгу, даврил уртакьгу ия. Гьарнан кумаг бан, чІарав ацІан чялишсса ия. Укунсса инсантал ттуршра шинай цал бухьунсар дуняллийн буккайсса. Уздансса, яхІ бусса инсан ия. Жун ва тачІав хьамакьаитанссар. Алжаннул ххари аннав.

Шамил Кьасумов, застройщик:

– МахІанмада ия жаваблывсса, цала даву ххирасса ва ххуйну кІулсса зузала, дакІ хьинсса, мюхтажнал чІарав ацІан, ка-кумаг бан хІадурсса инсан. Цаламур даву дурну махь, вайми зузалтрану кумаг байва захІмат хьанахьисса, буквавчІалчИисса масьаларттаву. Ттул МахІанмадацалсса дусшиву дайдирихьна цалчинми кьатри дуллалисса чІумал. Му ппурттуву чІалан ивкІуна ва ци даражалул пишакар уссарив. Гихунмай жу заказ дуллан бивкІру мунацІа цаймигу проекту. Ва ия ххуйсса тарбия ларьсса, мяррипат дусса, тІайласса, авкьусса, аьчухсса жагьил. Ва мундан личІантІиссар жул дакІурдиву лавайсса даражалул конструктор-проектировщик хІисаврайгу, дакІ-аьмал хьинсса, уздансса инсан хІисаврайгу.

Багьауттин МахІаммадов, шяравучув:

– МахІанмада, гьунар бусса инженер, строитель акьассагу, ия лахьсса даражалул сакиншинначи. ЗахІматсса шиннардий цалла-лу фирмагу сакин дурну, зузи дан аьркинсса шартІругу дузал дурну, муниа сий дусса, тІалавсса идара бувна. Мунал давуртту тІалавну дия, Дагьусттаннай дакьассагу, Щалагу Аьрасатнаву. Ми кьиматрай дия ларайсса даражаллий, ккаккан дурсса чІумуй ва лахь бакьасса хІакьлий дурсса дунугІий. МахІанмада ия, техникалуву акьассагу, гьарица чулуха итххяхьсса, лавайсса эрудициялул, интеллектул инсан. Мунацал, диндалия байбивхьуну, цІанасса заманнул технологиярттайн бияннин, личИи-личИисса темардая ихтилал бан бюхьайва ва гьира бикІайва. Цала даражалух кьаурувгун, МахІанмада ия дакІ хьун дакьасса, пахру-ххара бакьасса инсан. Муная, бутталу, ниттигу ххаллилсса тухумирттал арсна, хьунмасса пахру бикІайва шаллагу шяраваллил жьаматран ва махьминнан.

МахІанмада чялишну чІарав ацІайссия шяраву хьанахьисса гьарица иширттаву. Мунал чаннасса симангу, яргну бивтсса оьрмулул ххулугу абадлий личІантІиссар жул дакІурдиву.

Анриана Аьбдуллаева

## Жижара



АБДИЛЛУЛ АРС НИКИАЕВ МАХІАММАД

Дагьусттаннал Чичултрал союзрал правление кьурчІишиву кІидачІлай бур лакрал чичу, Аьрасатнал Чичултрал союзрал член НикІаев МахІаммад Аьдилович дуняллия лагаврийн бувну, вана маьча-гьанцириннашал.

Увссар ва 1937 шинал апрель зурул 10-нний Цалчинмур ЦІувкІрав. Воронежрай инженер-строительтал шайсса институту бувккуну, зий ивкІссар «Дагкохозпроект» институтраву проектрал хьунама инженеру. Яла, Москвалив Памфиловлул цІанийсса Коммунал хозяйствалул академиялул аспирантурагу бувккуну, Элмийсса институтраву зий ивкІссар. Тания махь зий ивкІссар Генпландалул элмийсса институтрал (НИИ), Мособлискомрал проектирдал хьунама инженеру. Ва ххаллилсса пишакар хІисаврай кьиматрай уссия, Дагьусттаннал ХІукуматрал комитетраву Минстройрал хьунама специалистну уссия.

Ва ия итххяхьсса аьлимчув, Аьрасатнал экологиялул академиялул академик, Аьрасатнал Жилищно-коммунал академиялул член-корреспондент. Техникалул элмурдал кандидат. МахІаммадул бия чичул гьунару. Ванал чІявусса луттирду итабавкьуссар личИи-личИисса шиннардий. 2007 шинай шийнай Аьрасатнал Чичултрал союзрал члену кьамул увссар. МахІаммад НикІаевлул цІа личІантІиссар элмулувугу, литературалувугу.

Цув алжаннул ххари аннав, гьаттай нур дизаннав!

Лакрал литературалул секциялул чулуха Супиян Оьмаров

## Объявление

«Отдел МВД России по Новолакскому району приглашает на службу в органы внутренних дел лиц мужского пола старше 18 лет, для замещения должностей младшего начальствующего состава. Одними из необходимых условий является наличие гражданства Российской Федерации, полное среднее образование, наличие службы в армии, отсутствие судимости».

Для уточнения информации обращаться по следующим контактным телефонам:

8(8722) 99-65-15,  
8-928-978-10-82.

### Лакрал халкъуннал учаларттава

Хъамаличув шанма гъант-лийри иклайсса.

Хъамалуккаччил магъ ляркIуссар.

Хъамал букъачIайсса къини къадучIаннав.

ХъатIуцал дусишуву дурманал къеппа марцI къашиайссар.

ХъатIуцал дус хъурчан, къаркъаллу канан багъайссар.

Хъинсса дус акъанан цай-расса айI кул къашиайссар.

Хъинбала бат къашиайссар.

ХIанттил дусная дус къашиайссар.

ХIакъ бакъа ххавхма, хъус дакъа дакъыл шайссар.

ХIакъсса дусишуврун къимат бакъассар.

Хъинсса дус уссияргу лавайссар.

Хъинбалдарал хъинбала кIункIу бай.

ХъатIул я хъатIул къабуккайссар.

Хъамаличувну бучIиссар ца къини икIан.

Хъамаличувнахъ ккашилну урав къачайссар.

Хъамаличувнахъ вин ажари биххавив къачайссар.

Хъамаличувнал хъычI ганан ччимур дакъарча дишайсса, шарда думурди.

Ххуйманахъ ххуйра чирчан, га ялунгу ххуй шайссар.

Хъамаличувнал ттиликI лажиннир ххуйссар.

Хъу-хъунал хъычI тIумIлан, дакI ссупра бакъар.



## «Илчи» – маслихатчи Дукра дукаврицIунсса маслихатру

ЧIун къадурксса, экологиялул чулуха марцIсса, нигыачIишиву дакъасса, багъайсса даражалул дуки-хIачIиялул хъун-масса кIану бугълай бур инсаннал цIуллу-сагъшивруву. Ванир къачIивисса кIану бугълай бур дукра канакисса чIумалсса шартIирдал ва тагъарданул.



### Дайдихъу №6

#### ДУКРА ДУКАН АЪРКИССА ИШТТАХI БАГЪССА ЧIУМАЛЛИ

Даврий, шаппа, машиналуву, чув-бунугу, бизаршиврул, дулланмур дакъашиврул маканарду дукаймур. Дукра мыйжанугу ккашил хъусса чIумалли канан аъркинсса.

#### КАНАКИРА ЧУРХХАН МЮНПАТМУР – ЗУВА ЯЛАПАР ХЪАНАХЪИССА КIАНАЙ ХХЯХХАЙМУР

Канакимур дикIан аъркинссар шайсса ксса чурххан мюнпатсса, зува лавхъусса, яхъанхъисса кIанттул тIабиатран маччасса. БувчIлачIисса зат бур, жунма цуксса ччайнугу, зунттавасса ятту-гъаттарал дикIгу, ичIаллил аьнакIал ккунуругу, мукуннасса цайми-цаймигу мудан къадикIайшиву. Та-бухъурчангу, хIарачат бувара, укунсса дакъахъурчангу, укунмуничан гъанмур, даражалул лараймур ласунсса.

Дуки-хIачIиялия ихтилат

буллалисса чIумал, диетологтурал, нутрициологтурал учай, «гены не обмануть» куну – жулва замана бучIаннин, жулва ттаттахъал, вайннал ттаттахъал канай бивкIмур жулва генардан дакIний лирчIиссар тIисса мяъналий. Жувагу, бюхъавай, канан аъркинну буру жува бувсса, хъуни хъусса кIанттурдан хасмур. Жулла организмалул хасну укунсса дуки-хIачIия лялиян дуллансса ферментру буккан буллансса бюхъур бусса. БувчIлачIисса зат бур, кIанттул ахъулсса, ахъулсса канакияра тIий, мудан ва анжагъ жучIава ххяххайсса ахъаван, гъивч бакъа, я банан, я киви, архния ларсун бувкIсса я цамур зат дурагу мадукари тIисса кIану бакъашиву. Ванил тIиссар: бюхълай бухъурча, чил кIанттурдая дуркIмурнир, жулламур язи дургъуну хъинссар. Мисалдаран, жучIава хъамабитала хъуну нанисса уттулуву мюнпатсса агъушивуртту чIаруссар кокосрал маслолувирун.

#### КИНТТУЛ НИСВАРТУЯ МЮНПАТ БАКЪАССАР

Дуки-хIачIия, бюхъавай, дикIан аъркинссар цилла-цилла

чIумуцIун даркъусса, сезондальнойнуса, укунмурди цIуллу-сагъшиврун мюнпатсса, чурххан буз шайсса. КIинттул, масалдаран, нисвартуя чурххан цукунчIавсса мюнпат бакъассар.

#### ДУКРА ХХУЙНУ ЛЯЛИЯВРИЛ ДУСТАЛ

1. КIюрххил дачIраххюттуийн хIавчIсса гъилисса щинал стакан. Щин хIачIаван аъркинссар щяивкIун, паракъатну ххув тIий. Ва оьрмулухунсса аьдатну хъун аъркинссар.

2. Цал – хъюмур, яла – къанкъамур. Цал – щин, яла – дукра. Цал – накъ, яла – рагу. Цал – ттурчIардия дуресса накъ (костный бульон), яла – агъаммур дукра.

3. ДикIул ва балугърал дукралушал чара бакъа ахънилссагу дукаву. ДикIува ва балугъраву бакъассар дукра ххуйну лялияншиврул чара бакъа аъркинсса клетчатка.

4. Гъарца дукра дукан 10-15 минутIрал хъычI гъилисса щинал стакан хIачIаву – дукра лялияврийнсса хIадуршинна хIисаврай.

5. Канакимур ххуйну кку-хIаву.

#### ДУКРА ХХУЙНУ ЛЯЛИЯВРИЛ ДУШМАНТАЛ

1. ЧIун дургъуну къаканакаву. ХIарачат булуvara дукра цара-ца чIумал дукаван.

2. Дукра чIару даву.

3. Агъаммур дукра дуркуну махъ хъиривра канакисса нахIу-нацIу, ахъулсса, десерт, хIачIлачIисса чай.

4. Ччаннай авцIуну ягу занай унува дукра дукаву.

5. Сситтулсса, дакI дакъасса чIумал дуркусса дукра.

6. Дукралул хъиривра хIачIлачIисса ягу дукра дукан хъычI хIарчIсса дяркъусса щин.

7. Шакъавхъсса балугъ, мотрепродукты.

**ХIадур бувссар  
Бадрижамал АЪЛИЕВАЛ**



Газета «Илчи» (Вестник)

Учредитель:  
Агентство информации и печати  
Республики Дагестан

Хъунама редактор:  
Къардашов Р. Аь.  
Тел.: 66-00-59

Хъунама редакторнал хъиривма:  
Башаев Р.М.  
Тел. 66-00-59

Редколлегия:  
Адамов АьбурахIман  
МахIаммадович  
Аьбуллаев Сапарбаг Аьлиевич  
Аьлиев ХIажу Сулайманович  
Исрапилов Артур Анварович  
КъурбанмахIаммадов Чанкура Рамазанович  
Маммаев Сулайман  
Нураттинович  
МахIаммадов Юсуп ХIамидович  
Хаппалаев Аслан Юсупович  
Хасаева Гульшан Рамазановна  
ХIажимирзаев Зиябуттин  
Абусупиянович  
Шалласуев Шалласу Рамазанович  
Эльдарова Роза ХIажиевна

Отделлал редактортал:  
Аьбуллаева А. П.  
Аьдильов ХI. А.  
Рамазанова П. ХI.  
Тахакъаева З. К.

Корреспондентътал:  
АьбурахIманова З. Т.  
Аьлиева Б. Д.  
Саидова И. А.

Корректор:  
АхIмадова А.И.

Кказитрал компьютерданул цех:  
Абакарова К. Н.  
ХIажиева З. У.

Кказитрай дурксса макъаларттава кIицI лавгмур тIайлашиврул жаваб дулайссар чивчуманал.  
Редакция макъалалул залуннал пикрилий рязину бакъахъурчагу, макъала рицайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къачичайссар ва ми залуннахъхъун зана къадайссар.

Кказит буккайссар ножмардий цал. Шиний итабакъайссар 52 номер.

Кказитрал индекс. П7046  
Тираж – 2002 экз.

Адрес редакции и издателя:  
367018, г. Махачкала,  
пр-т Насрутдинова, 1а  
e-mail: ilchi@etnomediadag.ru  
http://ilchi.info  
Тел./факс: 66-00-59

Газета «Илчи» зарегистрирована  
Управлением Федеральной службы  
по надзору в сфере связи, информа-  
ционных технологий и массовых  
коммуникаций по РД.  
Рег. ПИ № ТУ 05-00424  
от 30.04.2019


Газета «Илчи» отпечатана  
в типографии ООО «Издательство  
«Лотос».  
367018, РД г. Махачкала,  
Пр-т Насрутдинова, 1а  
Срок подписания в печать 19.00.  
Подписано 19.00.

Цена свободная



4 651116 280051

### МАХIАЧКЪАЛА



### Гъавалул тагъар

### гъумучи

